


詩稿  
(二)

特別  
A18  
4840  
2





春日晨起

六鄉晚渡

瓶中桃花

新晴

鄰人餉枇杷賦謝

題盆景稊畦

夏日林亭分韻得冬

醉卧松下短歌用陸放翁韻

曝書絕句二首

後樂園謁夷齊廟

新涼有作分韻得青

溪岸秋思

月夕吟歸

次韻送  
臨之滿州

松田學

次韻送松田學  
臨之滿州

吊竹會席上分韻得真

又分韻得齊

暮秋飛鳥山作

日黑秋望

冬暄分韻得魚

至日擁爐欣然成詠

春日晨起

夢聞花氣香。林月猶皎耿。夙興先倉庚。憐  
此清曙景。攬衣下階除。梅枝玉交影。冽泉  
洗餘醞。銀瓶引苔井。鐘鼓聲未傳。園莊一  
寂靜。舉頭望東暎。素微襯遙嶺。

六鄉晚渡

寂寞六鄉渡。暝色來上游。素梅獨返魄。向  
夕脩臯幽。經過吊忠臣。陳榻聊搜求。英靈  
化斷碣。恩怨豈浮漚。當其樹義幟。勳閔真  
寡儔。猾賊弄欺詐。甘與名冑仇。倚舷金盞  
燂。放櫂橫洪流。咄咄彼山豎。鑄鑿俄沈舟。  
低徊念往事。鬱紆千古愁。是時日全暮。悽

慘難久留。荒塗接水。瀝欲去。重回頭。幽悲  
入村笛。玉蕊無落不。

瓶中桃花

有個桃華好。插瓶憐小紅。合家伏邪氣。一  
室動春風。巧笑匪呈諂。不言能奏功。奇方

驗堪證。分漬酒罇中。

酒漬桃葉而飲之除百病好容色是大清

諸卉本方所記也

新晴

喜鵲喧簷際。朝晴卜不違。牆花猶帶法階  
草。乍含暉。一雨非閒事。三春足化機。幽居  
聊撫景。良節玩芳馡。

次韻送松田學隱之滿州

宛轉怯聞求友鶯。君今遠別賦新成。俊遊  
華洛空存約。孤往荒陲忽發程。劫後山河  
餘古壘。夢中花柳裏春城。料知旅況蕭條  
處。微逐難忘詩酒情。

穆如清風閣用箋

鄰人餉枇杷賦謝

美莊多脩林。嘉樹見貞質。雪蘂冬吐芳。金  
丸夏結實。採摘初上盤。劈來瓊漿溢。玩味  
頭番珍。甘甜過崖蜜。主人情何殷。遣奴忽  
惠恤。感激無以酬。裁詩聊陳述。吾本環堵  
儒。索居分廢黜。肉食非可期。動輒憂匱竭。  
詎料蒙眷頌。忘貪興頓發。迺貫村店醪。將  
他當下物。一杯復一杯。且排胸中鬱。醉薄  
雞易消。恩優長難沒。詫卜仁者鄰。平昔叨  
寵暱。邱園矧宜秋。應更餉梨栗。

題盆景裸畦

廛居獲盆景。相對吾眼明。農疇咫尺闢。郊  
甸幽以清。播種定何穀。柔綠抽鍼莖。彈珠

渥露迸。遞香輕。腮生滿前田園意。無復塵  
累縈。菊人添奇趣。閒境孤筇傾。其外有廬  
屋。籬插仍約橫。綫流渺迴注。畫幅摹不成。  
移置几席際。賞玩遺浮榮。休言等兒戲。寓  
託饒真情。

夏日林亭分韻得冬

庭絕纖塵碧藓封。蟬聲嚶嚶幾株松。何來  
風動雨將到。飛嶽看添雲一峯。

醉卧松下短歌用陸放翁韻

卧蒼苔。枕白石。松下快適月之夕。解衣盤  
礴更科頭。尋常規矩難爲律。玉壺醺醖容



狂顛。飛騰詎用稱神仙。任吾縱放聊作達。  
休算落地經幾年。

曝書絕句二首

縹冊緗篇攤在牀。風翻芸葉暗聞香。我無  
腹笥矜談博。不害傾箱曝一場。

喚僮倒篋傍窓櫺。謝俗樓遲眼乃青。緬想

朱家幽築好。荷花池上曝書亭。

後樂園謁夷齊廟

采薇入歌唱。高舉甘隱淪。偉哉伯與叔。以  
躬全彝倫。廟貌儼經始。景仰情定真。云是  
前幕副。輔翊憑懿親。竭誠尊皇室。獎義臨  
黎民。典型炳可鑒。勝範希昔人。星霜不斲  
任。洪業今委塵。舊園闕靈迹。享祭難及辰。

吾來秋風晚。木落添悲辛。猶感孤竹子。勁節長精神。

新涼有作分韻得青

黃昏過雨灑幽庭。一味爽涼池上亭。移榻乍驚秋已近。水蒨花發遞微馨。

溪岸秋思

溪遠落暉隱。岸幽零露溥。草叢多殞綠。楓樾半留丹。危峭岑殊瘦。澄清沆或乾。潛儵依窅寂。離雁度空寒。畫興何當盡。詩愁此際攢。考槃人不見。含思獨無端。

月夕吟歸

幽榭履綦散。歸人行且吟。夕蟾明古道。秋  
籟爽虛林。俱罄琴樽興。莫猜邱壑心。盍簪  
長此地。顧望一燈深。

吊竹會席上分韻得真

不堪回首憶前塵。林榭重遊暗恨新。辭藻  
心葩凋菴盡。一庭淒綠賸秋筠。

又分韻得齊

故宅秋風晚日低。難堪吊竹獨含悽。履綦  
一絕門庭氣。祇有哀蛩盡意啼。

暮秋飛鳥山作

延亘飛鳥山。鳥飛沒遠影。斜陽銜林際。晚  
風衣巾冷。獨往披荆榛。織徑通奧境。荒草  
猶發英。淺黃弄幽靚。登頓崇邱隅。倚松意  
殊永。霜薦宜仰觀。絳葉疑畫景。留賞雙忘  
歸。秋光領寂靜。上方忽搏鐘。暝色來半嶺。

目黑秋望

日趨楓掩外。雲亂竹墩前。幽郭依荒甸。斜  
橋接遠阡。坊壚酒帘卸。林剌梵鐘傳。歸叟  
寒過水。飛禽杳沒煙。蒼茫逢暮景。蕭瑟感  
秋天。回矚獨支策。留題難索箋。

冬暄分韻得魚

杯食相喚隔階除。曝背南軒適有餘。一任  
冬烘被人笑。負暄偏愛向陽廬。

至日擁爐欣然成咏

燕居迺至日。聊復理壺觴。先喜羣陰伏。從  
諳寸晷長。梅花解索笑。雲物似呈祥。閒酌  
爐邊興。陶然入醉鄉。

新年戲詠

早春似客

湖邊早春分韻得蒸

春興

春日郊行

春江鯉魚圖

春晝

春晚即事

閑秧雞

夏日閒詠

牛偶

驟雨即詠

北窓分韻得陽

夜意

秋初出郊

秋夜口占

秋郊晚眺

秋日還興分韻得西早

某園賞紅葉

山家

早寒

閑雁

雪夜偶得

寒夜似客

新年戲詠

團欒半日領春熙。妝就家姬侑宴時。更好黃昏撥麈看。梅梢新月亦描眉。

早春似客

初梅天氣正新晴。朝起開軒殊適情。此際欣君袖詩到。妙吟真箇早於鶯。

湖邊早春 分韻得蒸

梅鉸春尚早。湖畔峭寒增。酒閣今宵醺。絃聲如裂冰。



春興

柳綠花紅妝點春。嬌鶯百轉更呼人。杖頭吾掛閒錢  
去。半日自爲行樂身。

春日郊行

麥綠菜黃摸不成。出郊好是畫中行。天鵝天半如相喚。向晚  
丁寧猶弄聲。

春江鯉魚圖

桃花水暖長春痕。尺大鯉魚波際翻。奮尾揚鬣偏得  
意。未未登躍向龍門。

春晝

香爐爐煙半縷。紫午眠。始覺倚軒楹。春禽不語。庭除靜。時聽山茶花墜聲。

春晚即事

庭院斜陽澹。風光寂寞中。餘醺一籬白。芍藥半欄紅。負我芳時盡。留誰歡會同。殘鶯獨何意。數轉隔林叢。

聞秋雞

稻秧抽綠水田平。應候終宵格格鳴。却憫農翁屢妨睡。聞爲租吏打門聲。

端午偶拈

三閭事蹟夢茫茫。誰復臨流賦斷腸。且採菖蒲漬搗酒。一醺依例作端陽。

夏日閒詠

周遭新綠合。庭砌俗氛空。書閣催詩雨。琴堂解愠風。  
天功洵可贊。吾道竟難窮。不善耽幽事。從容日夕同。  
驟雨即詠

驟雨黃昏洗暑過。鉤簾獨坐快如何。高梧低竹留餘  
澹。齊滴空階涼味多。

北窓分韻得陽

竹樹隔驕陽。北窓如此涼。悠然高臥處。意况抵羲皇。

夜意

湖閣誰橫笛。隨風淒韻流。荷花無謝否。夜意早含秋。

秋初出郊

郊雨晴來涼驟加。訪秋先到野人家。早蛩幾處聲相應。籬落多開紫豆花。

秋夜口占

可惜良宵無客過。推窗獨坐且吟哦。西風已拂梧桐葉。鋪砌月光如此多。

秋郊晚眺

蒼茫暮色望中添。倚杖秋郊意未閒。刈稼田頭人漸散。是天新月更磨鎌。

秋日遣興 分韻得覃

誰謂逢秋不自堪。幽居滋味比中諳。涉園也好求詩料。放萼芙蓉紅已酣。

某園賞紅葉

名園推絕景。愛此夕陽時。青女舒紅錦。全林一陸離。

山家

幽尋何處好。秋晚到山家。遠近蟲聲白。連畦蕎麥花。

早寒

不道山城足早寒。老夫愛景倚欄看。砌邊金綻菊猶好。林際丹勻楓未殘。

聞雁

寥廓秋天夜有霜。鳴過哀雁幾聲長。聞聞我是饑寒士。何暇憐渠缺稻梁。

聖夜偶得

聖埋庭砌夜寒加。此際誰傳奇法誇。所願從僧得三  
昧。直持密咒保梅花。

寒夜似客

寒夜留君茶當酒。莫辭靜坐談詩久。瘦梅餅裡亦添  
歡。同此主人開笑口。

新年望富嶽  
分韻得虞

水戲

春曉

早鶯

春初口占

春郊晚歸  
分韻得青

春夕思鄉

江東賞牡丹  
三首

郊行惜春

詩夢

螢

斷梅偶拈

插秧

穆如清風閣用箋

夏夜口占  
次韻

秋初出郊  
分韻得麻

江湖

問月  
課題

送石堦翁歸國  
分韻得真

鄰邦  
二首

穆如清風閣用箋



春初口占

花紅柳綠未怡情。風緊何時和景呈。贏得  
紙鷓張氣勢。獨颺天半弄春聲。

春郊晚歸分韻得青

村北村南暮靄青。獨杖歸杖度郊垌。杏花  
小店猶留客。一點春燈澹似星。

春夕思鄉

孤館燈昏愁思新。難堪節物又撩人。鴈歸  
江上雲黏水。花謝城頭雨溼塵。客枕屢欹  
過此夕。家書一絕度三春。自慙初願竟無  
就。長作天涯流落身。

新年望富嶽分韻得虞

海東名嶽匹儔無。屹立揖人姿態殊。更喜  
開年映初旭。高擎瑞雪耀天衢。

水戲

莫是龍宮伴。嬉教卜此辰。已教天飲雪。恰  
歷水鋪銀。追逐披衣彩。迴旋幻鞦韆。凌波  
非絕技。休說洛之神。

春曉

已覺羅浮夢。推窗梅氣清。何鳥無端喚。猶  
疑翠羽聲。

早鶯

初梅天氣旭。煇新應候憐。渠趁早晨微暖  
入腔歌漸暢。數聲先頌上番春。

江東賞牡丹  
三首

櫻花落盡逼殘春。載酒題襟跡已陳。別有  
牡丹消息好。江東一路趁芳塵。  
彫欄寶蓋宛生光。錦萼檀心真擅場。留汝  
好當三月殿。推誰更作百花王。  
賞芳士女後先爭。佳麗斯園最播名。紅紫  
滿栽多國色。花開時節動京城。

詩夢

鬪紫酣紅彼一時。蜀禽乍叫兩如絲。續吾  
詩夢唯芳草。綠盡池塘別樣滋。

郊行惜春

郊行偶訪囊駝家。借榻園庭抵日斜。韶景  
無多真耐惜。茶蘼半架雪然花。

螢

數點買新螢。紗籠光似星。不必照書冊。且  
懸池上亭。

斷梅偶拈

門庭寂寞只莓苔。連雨漸晴新暑催。依例  
儒家展蘆箔。又添酸味晒醃梅。

插秧

蓑衣乘雨插青秧。農務人人不厭忙。也好  
及時蛙鼓起。幸然已似祝豐穰。

夏夜口占次韻

池水空明澹帶光。下階踏月趁幽香。最欣  
素藕消煩熱。助此待襟一夜涼。

秋初出郊分韻得蘇

而後新涼特地加。出郊且訪野人家。能經

長夏妍無減。媚客顏。桐一樹花。顏相或稱百日紅。見

于放翁詩注又爾雅云顏桐夏始花紅如火

江湖

江湖幾歲臥柴扉。富貴功名勞思稀。從我

療饑藜藿食。倩誰補破芰荷衣。孤盟只與

閒鷗在萬事皆教俗子違。嫋嫋秋風吹綠

水。釣竿又擬坐苔磯。

問月課題

山堂對秋月。孤迥情迺宜。素輝散茆席。皓

彩浮薜帷。問爾來世者。避俗誰最奇。雖無

由酬答。屬意非難知。照書獎宿好。映琴摹

前規。默契一如此。繚繚長相隨。更深漢影

穆如清風閣用箋

轉。看墮西巖陸。雲翳勿作孽。明夕重佳期。  
送石埭翁歸國。分韻得真。

才名卅歲絆斯身。若憶故山猿鶴親。收拾  
琴書及時去。老來幸免混風塵。

鄰邦

鄰邦誰濟難。碌碌奈時僚。策竭狐欺虎。材  
空狗續貂。彌縫經此日。死繆軼前朝。知否  
危機動。九州戎馬驕。

更始竟難企。等閒新共和。綏氓高傑少。罔  
世老姦多。傾奪局徒在。推移運已過。同誰  
弔亡國。時事入悲歌。

新年口占

半月數回天降雪，動輒盈尺，予目睹此，稀見之光景，不能無感于懷，援筆

書二十八字

春初出遊

斗室

寄鄉友

東台旗亭書即事

過青山墓地有感書二十八字

天街

晨興口占

薄寒

春盡

江路

戲詠

山莊

題畫

東照宮

田舍嚼西瓜

游三寶寺池

題画二首

近來

冬夜二首

穆如清風閣用箋

榛原製

謝鳳鳴



新年口占

結伴新春遊戲時。未言習俗逐年移。紙鳶  
綵鞠皆依舊。童女童男催興宜。

半月數回天降雪。動輒盈尺。予目睹  
此稀有之光景。不能無感于懷。援筆

書二十八字

豈是尋常玉戲催。頻驚大地變皚皚。唯今  
入鬼殊多穢。爲使天公試技來。

春初出遊

探春夙挂杖頭錢。輕暖適身晴可憐。郊路  
晚梅猶糝雪。市橋新柳乍縑煙。

斗室

斗室蕭然燈不明。讀書已倦欲三更。何來  
黠鼠欺吾睡。鬻折盆蘭花幾莖。

寄鄉友

東依西北竟何如。歸志今春未得舒。羨汝  
田園多樂事。落花滿地帶經鋤。

東台旗亭書即事

買醉旗亭抵日斜。賞心未飲興逾加。山僧  
亦恐催歸急。徐遞鐘聲緩度花。

過青山墓地有感書二十八字

果有名聲傳後麼。玉魚寂寞此邱阿。可憐  
頌德碑空立。一徑無人幽草多。

天街

警蹕無聲已夕暉。天街春暮獨依依。東風  
不管仙凡別。乍拂宮花點布衣。

春盡

東皇遽迴駕。指我上脩程。園閉韶華歇。郊  
連暝景生。綠蕪惹歸思。紅藥管離情。昭悵  
送行處。天邊鶻一聲。

戲詠

朱欄干外夕陽妍。花後風光尚耐憐。偷見  
女郎鬢不整。綠如幄底倚鞦韆。

晨興口占

晨興洗宿醒。花砌轉懸綆。昨夜定多風。紅  
飄漂碧井。

薄寒

爐煙濕不飄。畫閣殘春雨。薄寒人擁衾。臥  
閱牡丹譜。

山莊

山莊花後絕紛囂。晏起推窓日已高。啼倦  
殘鸞全罷曲。偶來庭際啄櫻桃。

題畫

長鏡斲茯苓。山叟闢蛭戶。棲鶴忽驚眠。松  
花墜如雨。

養東浴東。覺東沃東。

東照宮

晃嶽何岌業。雲木一鬱葱。迺是神所宅。儼  
乎存靈宮。結構極輪奐。生彩金碧同。雕楹  
暨刻栴。綵役歷代工。闕原勤勁敵。撥亂造  
奏功。剏廟非僭侈。令人仰雄風。致敬來稽  
顙。景慕披寸衷。三百歲丕業。固諳比倫空。  
宜哉朝恩渥。優遇祀典隆。願長留遺蹟。威  
德期無窮。

田舍嚼西瓜

課題

珍瓜恰熟。三伏節。浮以碧泉清。仍冽。村叟  
邀我充佳羞。剖破堆盤薦紅雪。紅雪入口  
其堪驚。冷液消熱淋。漓生。病相如。亦應救  
渴。醉伯倫尚能蠲醒。迺願饒嚼長荷菴。日  
日訪尋野服便。嗚呼田園美祿真最宜。伐  
木之家誰復羨。



游三寶寺池

石神井  
の三三三  
の二と

巨水一碧知何池。蒹葭葉戰風生漪。三寶  
 寺邊來支策。逢着村叟徵口碑。泰經將材  
 服衆卒。九代勲業矜深闕。豈圖運去師概  
 殲。身擲金甲水底沒。孤嶼長占池中央。遺  
 蹤不改經星霜。或言雲散天霽日。波際猶  
 見金煌煌。武藏原野搜史蹟。要為英雄慰  
 魂魄。所欣地今近大都。出郊未少憑吊客。  
 抱感池畔重低徊。任他水禽驚且猜。此時  
 殘陽隱林樹。遠墟靄浮昏鐘催。

三寶寺池有小嶼。安辨財天之祠。相傳  
 文明年間豐島泰經與太田道灌戰。不  
 利。逃到此處。身擲金甲投水死。距今實

四百五十年也。

穆如清風閣用箋

文正月望陽質。陌處。反過

題画二首

落月低楓岸。映江漁火殘。定是寒山寺。疎鐘響夜闌。

秋風明月峽。夜挂片帆過。落木增蕭瑟。猿猿沿岸多。

近來

夕氣成嵐紛掠額。徐行織徑綠苔斑。近來避俗逃塵絆。又傍秋臯放鶴還。

江路

江路斜暉冷。經過秋已闌。抗蘆涵淺水。落  
木露層巒。天濶鴈聲遠。渚長魚影單。詩材  
存幾許。小立倚筇看。

冬夜二首

瓶梅疎萼瘦。寒意壓孤燈。敲詩猶未寢。時  
灸硯池冰。  
三更猶苦吟。飛霰響窓竹。何以策防寒。山  
妻起烹粥。

春雪初晴喜友生至

春日郊行

春江呼渡

市川觀桃花

蕙

春晚出郊

江村銷夏

秋夜對月

次韻

題畫

次韻

時事

做評林體五首

松

竹

香國翁招宴書七絕三首代謝辭

隨吟社大會席上書即事三首

吟社大  
上書即事

翁招宴  
此三首代

出郊

穆如清風閣用箋

梅

馬

復  
雪

課  
題

繪如清風閣用箋

春雪初晴喜友生至

雪光蕩霽色。潑眼流曦明。翠筠當庭砌。素  
梅亞簷楹。邁斯物景好。豈嘆塵務縈。袖詩  
同儔到。未負平昔盟。一笑延入室。歡待聊  
竭情。擘柑薦鱸醪。挑菜調杯羹。青陽匪愆  
候。和醉春融生。迺知豐年瑞。天特寬庶氓。  
不害俱發興。吟詠耽酬賡。君聞出谷鳥。早  
已求友鳴。

春日郊行

寶馬雕車爭出家。麗都三月總豪華。詩人  
却是扶孤杖。閒步去看野坳花。

春江呼渡

水雲罩盡曲江隈。垂柳垂楊暮色催。渡口  
呼舟舟不見。櫓聲遙入雨聲來。



市川觀桃花

市川距東京若干里地以桃花著  
花時總武鐵道特發乘車券以便  
遊客余今春往觀偶賦

誰植紅桃妝野村。陽和三月綴花繁。臨風

最好嬌含笑。終日寧妨默不言。歡賞尋蹊  
裙屐到。紛飛繞地蝶蜂屯。他時更有田家  
富。甘實累累肥滿園。

蕓

一種銀絲脰。且腴。供羹充膾匹儔。無饒心  
回想北遊日。攜酒遠探蕓菜湖。

蕓菜湖在  
渡島以多

產蕓菜著余北海  
遊客中曾一遊焉

江村銷夏

地僻不聞城市囂。全家留寓日堪消。婢炊  
香飴包荷葉。僮釣鮮鱗貫柳條。秋近長天  
雲澹澹。暑稀平渚水迢迢。斯鄉豈啻清涼  
足。活計又欣供給饒。

秋夜對月 次韻

碧落無雲月彩多。逸情倚檻奈吾何。所希  
能學步虛術。直向廣寒宮闕過。

題畫 次韻

江邊細路傍蘆花。貰酒歸來魚可叉。恰好  
門前秋水濶。猶涵一綫落暉斜。

時事 傲評林體五首

富人極侈漫相誇。變俗移風毒國家。當路諸公欲除禍。連名發諭戒豪華。

政府獎勵國民之勤儉貯蓄久矣。近日內務、大藏、逋信、農商、務各省大臣連署發同一訓諭。更申明其趣旨。

藝術雖優德行頹。育英何以得完材。善哉學府新規定。此意劈頭先揭來。

新大學令以今月六日公布。其首條度幾學生又品性陶冶。

選良制度未全真。鬱屈下情何日伸。願為民生撤差別。和衷共贊大經綸。

選舉法改正未決。今冬議會亦將見其提案。新聞紙主張普通選舉制者多。

東西同慶輟戈兵。稱俎周旋便定盟。華胄名卿時望重。光齡航海趁嚴程。

西園寺公望侯為講和會議正使。不日發程赴歐羅巴。

呼號民本意如何。時弊滔滔誤衆多。義是  
君臣情父子。藹然氣象獨超他。

所謂民本主義實為今日之流行語然  
我國則上下輯睦君民融和自古迨今  
無會變迺強唱此主義不過徒就平地  
起波瀾也

松

澗流經雨響淙淙。倒影巖頭百尺松。滌硯  
山童應怪訝。水中髣髴見蒼龍。

竹

幽竹幾叢溪岸頭。細枝繁葉映清流。漁翁  
不待鳳凰到。直伐釣竿隨白鷗。

梅

路入暗香疎影中。一宵乘月訪詩翁。竹籬  
茅屋尋常境。纔有梅花便不同。

馬

悍主車邊功。連年師暨野。與人或一心。

廐多名馬。

獨帝維廐二世有愛馬之癖其御料馬匹飼養場常收逸駿數百頭云少陵馬詩典人一心成大功

復雪 課題

玄冥飛素雪。妙趣復斯辰。度臘梅花早。先

春柳絮勻。受風時繚亂。交霰更紛綸。闔地  
生輝彩。脩塗絕埃塵。豈無披瑩客。或着返  
舟人。平積裝遐邇。通明失夕晨。天工真可  
貴。物象自堪珍。矧卜豐年應。偏諳慶瑞臻。  
護寒頻挾纊。防凍且斟醇。醉後思歌詠。期  
賡郢曲新。

春初出遊似某

花朝偶述

春園夜遊

閔鵠

大森新井宿善慶寺詣義民六人衆之墓作

卜居

鍾馗彈琴圖

梅雨新晴

盛暑之日有感于時事書此十韻

涼夜散步街頭率然得絕句

驟雨

新秋口占

秋夜雜興

送人遊毛州

題畫

誌愴二首

秋江垂釣

山堂

山庭

菊二首

贈僧

山居冬曉

偶書

春初出遊似某

臘破東郊景物佳。欣然杖策與君偕。牢晴幾日添微  
煖。處處梅園玉已皆。

花朝偶述

此日好逢花誕辰。丁寧斟酒祝花頻。所期歲歲花無  
恙。使我看花長樂春。

春園夜遊

名園齊趁約。勝會此時新。令月照良夜。有花妝艷春。  
聯吟箋幾劈。縱飲酒頻巡。不害誇豪興。留歡直達晨。

聞鶻

正是新鶻啼過時。憑欄遙夜欲眠遲。微茫庭際透幽  
韻。月逗水晶花一籬。

大森新井宿善慶寺詣義民六人衆之墓作

誅求尅下是暴主。苛政果見猛於虎。矧有水旱交作災。比年難  
耐塗炭苦。六人誓欲拯窮氓。陳狀幾度披悃誠。暴主悖戾無所  
省。飽近姦佞殉私情。適傳將軍戒儀衛。東叡靈廟修時祭。六人  
相議裁血書。期因直訴匡宿弊。秘計已決嫌嫌疑。結束齊向江  
府馳。寧圖捕吏忽躡後。就縛遭戮真可悲。六人事蹟存舊記。追  
憶于今催暗淡。忖其殺身成仁心。佐倉義民恰同類。却憾宗五  
名風芳。六人殊行猶未彰。天道欠公何如此。層穹杳茫唯蒼蒼。  
我來憑吊尋墓碣。山寺春寂香火絕。數聲林外鳥漫呼。一樹庭  
際花徒綴。



震有潛虞、皓汰合寢、翰陌、震語、敬梗。

卜居

卜居傍郊甸，寂寞過從疎。唯此畎畝叟，日夕來訪廬。  
粗野禮雖簡，純朴情有餘。自陳活計苦，言語能動予。  
薄田僅種稻，小圃聊蒔蔬。七口一家屬，豈得存贏儲。  
官租屢難納，私債終叵除。半生困憊甚，貧窶將何如。  
聞之發浩嘆，夙志慙齟齬。曾講救民策，漫誦經濟書。  
寸效無可見，斂跡甘散樗。不妨約為侶，耕作同揮鋤。  
勿辭信天命，慰藉長相於。窮地拓樂境，庶使心神舒。

鍾馗彈琴圖

課題

烏冠藍褐尚威儀，捉鬼除妖世已知。餘事何圖解風  
雅，燕居時又撫琴絲。

梅雨新晴

梅雨新晴朝日輝，眼前景物感天機。繁涎印壁蛸移  
住，短羽辨巢雀習飛。

盛暑之日有感于時事書此十韻

祝融已掌節。三伏連九旬。華屋尚蒸溽。廣陌齊炎塵。  
城中變甑裡。無地堪置身。避暑茲定計。相趁行程新。  
獨嘆畿甸外。夏畦多疲民。務農忍饑渴。久望天澤勻。  
朝家曩傳旨。感激臺閣臣。優恤却未決。曠日徒逡巡。  
寄言避暑客。盍少憐寡貧。若恣耽逸樂。攬在人人顰。

涼夜散步街頭率然得絕句

乘涼去趁小繁華。夜市開邊別趣加。淺碧澹紅秋已  
好。囊馱邀客賣盆花。

驟雨

中庭雲貼地。急雨灑橫縱。暴漲盆池溢。金魚疑赤龍。

新秋口占

西風催爽涼。體適忘疲頓。倚軒重破顏。凝翠松同健。

秋夜雜興

良宵不可眠。步月訪幽禪。中庭竹柏影。使我想承天。

送人遊毛州

紅樹白雲秋幾程。境幽真耐謝浮榮。想君直出都門去。谷飲山棲暫養情。

題畫

尋詩小艇泝溪灣。遠近風光夕照間。也好秋澄水逾碧。倒涵紅葉白雲山。

誌愴

吟社盟友。此年凋落。存者已不甚多。而今又仙  
坡。勝琴屋。上村。遠洋。湯三君相次下世。感傷殊難  
禁。因賦五絕二首。聊述懷云。

先後指吾去。驚魂訃屢聞。圜壇歸落莫。誰與任斯文。  
風流與文采。豈耐憶前塵。盟友絲桐落。孤筑餘一身。

秋江垂釣

蘆花洲外泛舟日。垂釣自知吾願畢。不具筆牀茶竈  
來。比他陸子殊真率。

山堂

惡夢無端醒。山堂夜幾更。缺月過簷際。前林怪鳥鳴。

山庭

木葉墜紛紛。山庭減苔綠。石泉唯未埋。禽鳥自來浴。

菊二首

勁質自矜持。菊英不容蝶。秋晚幾回看。飽諳霜下傑。  
淵明魂不返。悠邈隔星霜。遺愛菊英在。千秋猶播芳。

贈僧

行脚年來不定蹤。自諳凡俗絕追從。山程振錫屣驚鶴。江路停舟時咒龍。

山居冬曉

聖埋林麓夜來深。早起啓扃何限心。携帚掃他饑獸跡。不容忽漫獵夫尋。

偶書

不做名奔利走人。翛然自詭出風塵。山亭訪竹雲埋  
屨。野墅尋梅雪點巾。

紀元節作二首

新年海

和歌初題

新年偶拈似某

春夜漫興

遊墨隄 二首

山寺探春

落花 二首

幽居偶述 二首

谿頭

古重陽偶成

獨夜 課題

除日前一日偶書

函館雜詩四首

風塵似某

樓如清風湖山

碧血碑

函館竹枝二首

萼菜湖

湯之川温泉



新年海和歌新題

藥既梗易紘元藥隊齊敬虞賄眉蟹

早晨倚傑閣。萬里望滄瀛。接空積水遠。混  
漾一碧平。先拜初旭影。仙島何處橫。氣象  
真曠濶。雙目窮八紘。壯觀有如此。俯仰感  
忽生。鄰邦曩違言。膺懲賦西征。艤艦懾海  
若。一劍屠長鯨。我武耀宇內。列國無抗衡。  
堂堂英吉西。前日更訂盟。滿地同利病。和  
協輸至誠。中興戴聖主。廟謨方恢宏。天恩  
深於海。化及蚩蚩氓。萬頃風浪絕。新年值  
新晴。魚鳥俱不駭。自表寰區清。

新年偶拓似某

新年海和歌初題

早晨倚傑閣。萬里望滄瀛。接空積水遠。混  
漾一碧平。先拜初旭影。仙島何處橫。氣象  
真曠濶。雙目窮八紘。壯觀有如此。俯仰感  
忽生。鄰邦曩違言。膺懲賦西征。艤艫懾海  
若。一劍屠長鯨。我武耀宇內。列國無抗衡。  
堂堂英吉西。前日更訂盟。隔地同利病。和  
協輸至誠。中興戴聖主。廟謨方恢宏。天恩  
深於海。化及室室氓。萬頃風浪絕。新年值  
新晴。魚鳥俱不駭。自表寰區清。

新年偶拓似其

風餐雪虐事冤哉。斗轉且欣春意回。我與  
梅花寒不死。今朝相揖破顏來。

春夜漫興

朦朧春月影如煙。此夕邀朋興可憐。只好  
劈篋吟競捷。奚須倒檻醉扶顛。柳藏塘隲  
黃鶯宿。花壓庭階粉蝶眠。啜茗談詩人未  
散。三更譙鼓數聲傳。

遊墨隄二首

長隄十里渾花影。裙屐乘晴趁芳景。也好  
迎人茅店多。齊懸紅旆賣櫻餅。  
落花風裏欲黃昏。有客低徊獨斷魂。芳草  
萋萋人不見。蕭條杯土葬王孫。

蘇芬寒不冰。今瞭眈眈。如鱗來。  
風聲雲影。事變。卷。下。轉。且。如。春。意。回。此。興。

紀元節作二首

天統相承聖澤均。嘉辰我欲詫西人。此方  
若算開元遠。凌駕耶蘇七百春。  
憲章制定足規模。喜見安民政化敷。寰宇  
羣邦應藪異。卅年成就此宏謨。

山寺探春

青山古靈刹。此日獨探春。佛殿香煙繞。僧  
堂花雨臻。聽經林鳥悅。受咒澗龍馴。闔地  
遠凡境。絕他羅綺塵。

落花二首

詩人撫景在林亭。花落紛紛撲小櫺。階下  
數弓庭不掃。莓苔失却一蹊青。

偏點琴牀筆格間。日長無客叩林關。吾今

憶得前修句。花落雖頻意自閒。邵康節云

境常靜花落  
雖頻意自閒

幽居偶述二首

嘉樹何鬱葱。蔽我讀書屋。幽禽宿其間。和  
鳴送昏夙。羽族猶如斯。人豈甘孤獨。有朋  
遠方來。欣然道話熟。啜茗坐風檐。清陰翠  
可掬。

讀書不知倦。窓外日晷殘。山妻理器皿。報  
我供夕餐。餐餘無一事。獨坐望軒端。明月  
出東嶺。對此琴可彈。優游漱廬裡。自覺天  
地寬。

谿頭

谿頭茅屋野人家。好是清幽避世譁。青嶂  
回時披妙畫。丹楓十月簇奇葩。煙浮林際  
應溫酒。水迸巖隈耐瀹茶。杖屨屢過君莫  
怪。平生我亦厭繁華。

古重陽偶成

今朝道是古重陽。久客無端又感傷。衰鬢  
窮途將變綠。幽花佳節獨開黃。壺觴歡會  
朋儁少。書劍飄零歲月長。欲識旅懷難耐  
處。秋風卅度滯他鄉。

獨夜  
深題

荒寒家四壁。兀坐更蕭騷。未死存肝膽。早  
衰凋鬢毛。深秋燈影瘦。獨夜履音高。知己  
今無幾。誰來就濁醪。

除日前一日偶書

壯年豪氣絕儕類。一笑辭家不壅淚。韶里  
單行豈偶然。欲覓半生立脚地。名場忽知  
侔戰場。術策權謀匪容易。鬢毛將白雲未  
青。懷抱雄圖歎蹉躓。客居日月更匆匆。今  
歲又盡似夢寐。孤坐悄然感難禁。晚風檐  
外吹霰至。



函館雜詩四首

四十年來開港場。縱橫通路市街長。翻思  
昔日蕭條甚。蠻戶漁居僅作鄉。  
北海關門推此區。貨財集散事何如。居民  
坐得通商款。殖產平生富有餘。  
市街殷盛北濱涯。富賈豪商各自誇。別有  
製冰營利者。素封能敵伐冰家。

邊地何時無寇讎。戒嚴備變是良籌。屹然  
要塞依山起。百代長寧海北州。

碧血碑

碧血漂草野。幾人曾橫屍。經過尋陳跡。得  
此青銅碑。當時世局改。幕府運已移。不較  
成與敗。守節深自期。悲壯報恩意。無愧真  
男兒。對碑感難極。停佇回步遲。前有大海

渺。後有危峯歎。依然戰沒處。長使雙淚垂。

函館竹枝二首

翠樓聳在海之涯。妾倚欄干有所思。潮去

潮回長似舊。情郎底事負佳期。

前歡一夢比仙遊。空記蓬萊罨畫樓。信息

不來風物改。新街日夜引新愁。函館妓樓元在蓬萊

街近日移轉于大森濱

蓴菜湖

湖亭不厭酒傾醇。時物登盤方薦新。翻得

季鷹當日興。他鄉佳味賞秋蓴。

湯之川溫泉

果有靈泉似此麼。來遊試浴喚如何。從晨

抵夕槽槽漲。一日跳珠萬斛多。泉質會炭酸亞爾加

透明無色玲瓏如玉而一病皮膚病其他諸病

蘇如清風閣用箋

渺。後有危峯歎。依然戰沒處。長使雙淚垂。

函館竹枝二首

翠樓聳在海之涯。妾倚欄干有所思。潮去

潮回長似舊。情郎底事負佳期。

前歡一夢比仙遊。空記蓬萊罨畫樓。信息

不來風物改。新街日夜引新愁。函館妓樓元在蓬萊

街近日移轉于大森濱

蓴菜湖

湖亭不厭酒傾醇。時物登盤方薦新。翻得

季鷹當日興。他鄉佳味賞秋蓴。

湯之川溫泉

果有靈泉似此麼。來遊試浴喚如何。從晨

抵夕槽槽漲。一日跳珠萬斛多。泉質會炭酸亞爾加

且。能治胃腸病。皮膚病。其他諸病。且湧出。分量。一日。實達。一萬。斛。云。

十八日  
八百松  
鷗吟  
會席  
中洲  
士原  
即事

次中洲老博士歲旦詩韻二首

寒月照梅花 和歌初題

春晴偶題

春夜二首

四月廿日 望六百松樓 隨鷗吟社大會席上 次中洲老博士原韻 即事

春曉 課題次 故森春濤詩韻

綠陰而坐 分韻得庚

梅天即興

雙斗吟社初集寫懷三首

柳陰讀書圖

程德太子二首

撲螢詞二首

芭蕉

穆如清風閣用箋

初夏江村分韻得盞二首

玉池主人招飲席上分韻得尤二首

送燕

寒林求句

游伊豆長岡得絕句數首

五首

次中洲老博士歲旦待韻二首

絳帷白髮算年華。耆宿如君茂以加。最美  
精神長不減。迎春自此老梅花。  
須抽彩筆賦韶華。我亦閑年興趣加。却恨  
春風欠公道。謫仙夢裡獨生花。

寒月照梅花

和歌初學

僊闕初迎夜。宮筵早賦春。交條梅綴玉。懸  
鑑月凝銀。侍殿褰華幔。羅廊領繡茵。輝光  
籠淑景。芳馥散昌辰。俱頌宸題好。齊諧叡  
賞新。風無撩皓萼。雲或避瑩輪。修典宜昭  
代。垂儀副秀民。詰朝傳御製。遍仰德音純。

春晴偶題

陽和風日美。撫景解吾顏。百歲真云幻。三  
春幸覺閒。琴鐫亭樹上。花竹砌階間。有此  
優游好。浮生樂未慳。

春夜二首

千金一刻勞吟魄。奈此韶光叵虛擲。月入  
牕櫺花擁階。幽人不寢今宵亦。  
青春行樂事何忙。訪柳尋花日日狂。幽味  
一宵人不會。焚香聽雨坐空堂。

四月十八日。墨上八百松樓。隨鷗吟社大會。席上次中洲老博士原韻。書即事。

江流漲碧兩新晴。蘼影江花總絳櫻。便好  
儷舟尋俊約。繡波十里趁鷗聲。

春曉 課題次故森春濤詩韻

花樓月落曉微明。如水風香通枕清。最好  
依稀仙樂響。夢中斷續聽啼鶯。



綠陰雨坐分韻得庚

眼中無復一花明。雨灑庭柯嫩葉生。欲檢  
詩材揭簾坐。綠冥濛處忽鷓聲。

梅天即興

梅霖偶霽夕曛斜。小院鈎簾坐喚茶。愛教  
可人紅一點。綠惜惜底拚榴花。

雙斗吟社初集寫懷三首

雙柑斗酒又斯辰。鼓吹詩腸發興新。莫道  
鶯亭韶景盡。詞苑長見藝林春。

文采風流媿二賢。嗣音預識逸聲傳。可無  
舊侶呈新頌。能把鸞膠續鳳絃。呈石球翁

拓壇羣彥各追隨。奇僻如予未見遺。天下  
有公真可賀。坐間擬誦放翁詩。天下有公  
殊可賀坐

中着我不妨奇  
陸游詩句也

穆如清風閣用箋

柳陰讀書圖

釣叟網師皆舊知。溪居好擬陸天隨。垂楊  
交蔭幽窗靜。坐閱松陵漁具詩。

聖德太子二首

叡智聰明第一人。經綸念念不忘民。矧弘  
佛法資洪化。德澤無窮名益新。

功勳未許沒彝倫。一事深嘆長亂真。凶惡  
弑君流害毒。枉將應報說前因。

撲螢詞二首

玉砌撲螢羅扇輕。佳人賞夜太慙生。匆匆  
忽被飛光賺。誤墜金釵鏘有聲。

行近清池螢火稠。却嫌輕扇撲無由。涼生  
水齋風頻動。點點飄揚天外轉。流清風閣用箋

芭蕉

夏窓秋枕意如何。聽雨題詩幽事多。逸趣  
却遭摩詰領。雪天弄筆故描他。

初夏江村分韻得塩二首

江波湛碧鏡開奩。柳蘸荷抽景趣添。來日  
倘求銷夏地。是灣最好避驕炎。

杖掛朋錢訪酒帘。陶然一醉意難厭。欲知  
時物可人處。荻筍鱖魚盤味兼。

玉池主人招飲席上分韻得尤  
二首

履綦相接是同儔。笑過門庭詩景幽。暮靄  
微茫籠竹樹。寒猗光盪一池秋。

幾盤異味足散羞。感此詩家觴政優。當日  
梁翁何澹泊。唯因蔬菜說風流。

星巖翁曾  
寓玉池。陳

地皆種蔬。某年十月以冬蔬命。瀟風閣諸  
賦詩。得絕句七首。載在星巖集。

送燕

炎涼知節變。臨別意依依。雲海旅程杳。風  
霜行伴稀。背人猶細語。辭舍自低飛。轉感  
傳詩去。偏期繫縷歸。梁間留落月。巷口趁  
斜暉。雖戀烏衣國。非忘白板扉。故情幸長  
在。新約定無違。爲待明春好。杏花重綻緜。

寒林求句

奈此詩魔不易降。黃昏堅坐未呼缸。霜餘  
林杪葉皆脫。早有曙光流入窓。

游伊豆長岡得絕句數首

主人營墅引靈湯。起臥便安意態長。所謝  
嘉招更邀我。浹旬縱浴驗奇方。

此行予寓高田氏別墅。留宿半月。頗蒙

款待。此篇聊道謝。

豈啻溫泉呼快哉。勝區留滯好懷開。君看  
大嶽當前峙。秀貌朝昏揖客來。

浴後尋詩散策宜。林園宛見畫圖披。一年

景物今堪賞。已及橙黃橘綠時。

賴朝部下士如雲。君亦將材稱出羣。物換  
星移名不朽。行人表敬拜遺墳。

長岡有天野。遠景之墓。

攻究西洋有益書。學精識遠仰真儒。並山  
一路蹤堪問。去看當年反射爐。

若寒行

早春宮詞 課類

花後過東台 課類

山亭初夏 分韻得真

綠陰品茶 分韻得歌

新秋閱經緯

晚歸分韻得微

讀陶淵明集

送魏南博士隨伊藤公爵之滿洲分

韻得庚二首

初冬

東山餞歲 分韻得陽庚

雪意分韻得尤

苦寒行

王春頒新曆。正月過上旬。底事時序舛。酷  
寒威猶振。凍雲低郊野。嚴飈從北臻。毛髮  
豎如猬。肌膚粟疑鱗。地爐屢添炭。瓦罇多  
盛醇。回煖無寸效。瑟縮存一身。孤坐引深  
感。憂慙殊傷神。陰陽誰調燮。欲仰問穹昊。  
是時雪復灑。埋砌銀屑勻。稍弱竹或折。萼  
疎梅應斂。梅竹自可忍。奈彼饑寒民。

早春宮詞 梁題

千官鴈鷺趁丹墀。梅柳交妍向曙時。別有  
鳳凰池上客。早朝齊和舍人詩。

東、次、支、屋、陽、屋、陽、沃、歌  
沃、微、屋、

花後過東台 課題

千林卸嬌紅。代之以黯綠。良景忽漫移。三  
春奈轉轂。石佛猶悲傷。銅人亦念讎。重過  
覓餘芳。短夢難得續。詞客感最多。駐步悵  
悵足。微雨來。濺衣際。哺杜鵑哭。

山亭初夏 分韻得真

綠陰幽草恰斯辰。白袷烏巾蕭散身。花後  
尋詩林榭淨。不啻半點綺羅塵。

綠陰品茶 分韻得歌

無復紛紛俗駕過。周遭新綠滿繁柯。幽人  
得意耽閒課。一甞品茶滋味多。



晚歸分韻得微

黯澹殘陽隔樹微。林垌獨跨蹇驢歸。晚陰  
看合天將雨。蠓蚋掠顏無數飛。

新秋閑祭緯

微物能應候。唧唧啼草叢。荒村夕月澹。聲  
韻傳西風。愁婦衣未製。聞之嘆嗟同。催織  
且莫急。劫後奈此窮。洪潦昨流屋。泣號仰  
旻穹。酸痛爾會否。機杼今總空。

讀陶淵明集

幽篠被荒砌。閒菊依廢除。貧居雖寂寞。我  
亦愛吾廬。消日隱几案。玩讀披詩書。陶公

遺篇妙。外澹而內腴。迺知厭彫琢。托興非  
浮疎。宜哉得真樂。平昔憂悶虛。千載想風  
格。傾倒情有餘。願長留典型。私淑稱朋徒。  
收卷時一笑。頗覺襟懷舒。無絃更堪撫。夕  
塔耿林間。

送槐南博士隨伊藤公爵之滿洲分

韻得庚二首

商秋寥落送君行。劫後山河是客程。但處  
皇威靖邊域。黃沙白草未傷情。  
遼樹瀋雲千里迥。好陪貴爵擁行旌。料知  
餘事例耽詠。唱和詩多金玉聲。

初冬

飄楓散錦菊銷香。時節早冬霜色涼。取次  
景光歸慘澹。無端意緒墮蒼茫。悲颿荒站  
人安在。伊藤公爵遭難于殘日免譙鳥尚  
吟留宿停車場翔。偶爾出門增悵悵。昏鐘乍動度林塘。

東山餞歲分韻得陽庚

巾屐追隨幽約長。東山朋侶此清狂。百端  
塵事渾無省。復醉吟筵餞歲觴。

不嗟歲月太崢嶸。潑散筵開自適情。隔座  
執梅香早動。盎然香味溢深觥。

雪意分韻得尤

同雲看釀雪。風死晚庭幽。寒鳥知何意。近  
入窺竹樓。

園梅初放作

小酌聞竹間雨聲

舟行值春

辛夷

美人梳頭歌

月夕

吉野園看牡丹四首

盆魚

新暑放舟溪上

山寺看石榴花

秋蟬二首

野山賞楓

問菊

表慶館

與友生野飲做陶體

古劍

此日足可惜

穆如清風閣用箋

園梅初放作

索笑今朝檐。試巡。偏欣破蕾數枝新。似從  
閒地。邀先賞。自與幽人了宿因。僮鶴提攜  
稱眷屬。松篁罨映見精神。山園蕭寂殘冬  
日。著箇瓊姿。倏占春。

小酌聞竹間雨聲

霰粟輕入夜。稍稍竹聲繁。銜杯耽幽聽。一  
燈佳懷存。膏潤今及物。化機賁丘園。芳馥  
梅吐氣。斑駁苔添痕。念之醉味暢。細酌援  
瓦罇。茆屋賞雨處。此趣猶未論。

舟行值春

昨雨一番過。塘隄生微煙。漫水放篙好。風  
度皺漪漣。新晴煦羣物。意態皆可憐。辭宦

弱鱗躍。依嶼閒。鳥眠。陽和今如此。節序長。  
木。慙。江湖。撫景趣。吾意俱渺然。岸花與汀  
草。矧復呈芳妍。草抽碧于深。花吐紅欲燃。

辛夷

辛夷異凡莠。木筆名字通。當春吐幽馥。未  
羨桃李叢。觀其抽英際。紫苞含淡紅。旋開  
聖然白。迺與銀毫同。觀花豈無意。非徒詫

奇工。世上多怪事。咄咄應書空。

美人梳頭歌

嬌慵佳人睡未足。斜曳羅裙坐錦褥。菱花  
瑩潔。閑玉匝。解鬟鬢髮如雲綠。昨夜水晶  
眼。夢來巫雲峽。雨春荒唐。曉漏忽盡庭鶯  
轉。早遭女奴催新妝。妝罷。扶頭重對鏡。象  
櫛金釵光相映。旋呼銀筒吹細煙。煙絲裊

穆如清風閣用箋



繞箇人影。

月夕

春戶開不扃。臘月帶暈白。散人耽清娛。吟  
嘯憐此夕。輕吹撩花枝。幽馥通暗席。一刻  
真千金。蘇詩美比璧。賞心難成眠。下階移  
步履。宿鳥驚樹間。蹴紅落簷額。

吉野園看牡丹四首

培養有奇訣。盛麗誰同科。嫣紅與姹紫。匝  
地光豔多。花裏小亭榭。合署雲錦窩。  
檀心異馥吐。金蕊祥輝生。珍重富貴種。長  
擅花王名。豪華驚白傳。十戶賞可輕。  
女郎結嬌伴。歡賞開笑顏。靚妝披炫服。與  
花爭麗嫵。所嫌花太重。不便簪翠鬟。

牡丹非凡豔。開拆紅萼殊。可憐絕世色。着  
意妝幽區。吾亦有閒圃。擬植三兩株。

### 盆魚

弱鱗稱金魚。姿態酷妍媚。縱之游江河。本  
知非其志。飼養盆池間。好觀恹雅致。憐他  
鬣尾紅。映此萍藻翠。時引新井華。換水投  
芳餌。一飽何從容。似樂小天地。簾陰脩晝  
清。主人自適意。脚跟未出門。坐領濠梁思。

### 新暑放舟溪上

暑溽新逞威。塵居厭矮屋。迺傲溪上舟。聊  
此謝塵瀆。一水拖濃藍。滑笏淨堪掬。刺櫂  
從溯洄。綠流轉幽澳。觸石奔湍迴。鬢鬢鳴  
碧玉。冷颺生其間。闔境絕炎燠。景物清以  
奇。似披古畫讀。嶼樹含疎陰。巖花散微馥。

因想城中人。煩擾苦三伏。穠穢嗟難俱。良  
遊喜我獨。

山寺看石榴花

綠陰紅萼動人時。豔色空門賞者誰。應有

山僧出家悔。麗妍竟不減辛夷。

白樂天題  
靈隱寺紅

辛夷花詩云  
得山僧悔出家

表慶館

儲皇夙正位。展黎欽英資。卜婚更定配。吉  
 日修佳儀。頌聲滿巷陌。相遇皆歡怡。靡物  
 難表悃。營築洵所宜。脩廊迥連接。層閣高  
 參差。迺羅衆珍到。品類渾不遺。繪畫競精  
 妙。雕刻爭瑰奇。陶漆並織繡。光彩齊陸離。  
 東方美術國。獎業仁澤滋。果哉技藝秀。盛  
 譽遐邇馳。願益進文化。和協稱雍熙。帝室  
 因濟洽。寶謨昌丕基。斯館匪徒作。微意誰  
 復疑。保存能傳後。百代長按規。

秋蟬二首

眇軀比舊特疲羸。憐爾逢秋自惹悲。天地  
炎涼經浩劫。園林榮謝變良時。吟腔切切  
總如水。愁思絲絲真似絲。一事更憂榆上  
尾。螿蚋隨後漫攀追。

梧桐葉墜井邊欄。一段酸心吟不安。敲玉  
聲清曾逸韻。裁絹翼薄倏生寒。愁中搥觸  
商。颯早。老後咨嗟晚日殘。最憶暑天長弄  
曲。園林如畫綠成團。

野山賞楓

五丁揮神斧。奇峭山削成。石門跨溪峙。鐵  
梯攀厓橫。討探妙義勝。踴躍欣此晴。况復  
際秋杪。佳眺酬我行。飛霜染楓葉。鮮麗欺  
春英。斜景忽罨映。蜀錦紅紫呈。上有白雲  
疊。下有清流縈。一壑活園畫。高手誰能爭。

貪觀興未盡。延佇求題評。暮色從遠至。割  
愛心難平。人家住林麓。投宿村婦迎。追思  
登頓處。絕景猶關情。邈迤兩毛國。久以名  
區鳴。碓嶺與見嶽。直擬明續程。

野 朽木 縣下 野國 水日 光山 在焉 葦馬 縣上

開菊

秋英不須多。傍籬且少植。佳色凌嚴霜。幽

馨散輕吹。非學靈均餐。非繼元亮醉。徙倚  
昕夕看。幸然適吾意。妻兒亦陪隨。自解分  
雅致。合家俱風流。恬澹謝塵累。異物休漫  
猜。人菊或同類。相對無感不。問渠以此事。  
與友生野飲。做陶體。

閒郊寡輪鞅。游衍携侶行。林楓舒秋錦。野  
菊抽晚英。不飲難極樂。欣我提壺罌。獻酬  
忘賓主。雜坐聊班荆。言笑終日夕。縱心饒  
餘情。將歸復瞻望。月出清輝明。

古劍

古劍何代物。閱歷難得知。芙蓉淬秋水。鋒  
刃長不虧。或言英雄手。當日曾携持。沙場  
濺戰血。赫赫威名馳。吾本耽翰墨。勲業非  
所期。詎圖獲利器。遇合驚緣奇。為汝洗我

酒。爲。汝。酬。我。詩。劍。兮。應。無。憾。顯。晦。皆。隨。時。

此日足可惜

此日足可惜。苒苒時序移。炎涼倏忽變。臯  
澤淒風吹。幽蘭嗟不采。抽穎猶倚倚。一朝  
邁霜露。華葉俱摧萎。觀物興浩歎。心事將  
翹誰。獨居感遷暮。憂思無罄期。



春夜聽雨

探春

籠鶯

殘寒

春日村居

園中雜詠

仙家竹枝

漁家竹枝

失題 旧作

擬宮詞

調蝶

野寺觀櫻花

穆如清風閣用箋

櫻花雜詠  
四首

東台雜詠

春晚雜詠  
二首

打漿

初夏雜句  
二首

初夏出郊

所見

初夏溪村

梅天雜詠

蝸牛

池館偶題

夏日到僧寺暑甚因戲書此二十字

夏日雜句

夏夕戲詠

蓮花

詠史

涼宵

團扇

湖天

秋暑久不退  
書即事

西京雜詠  
二首

湖波

秋夜偶成

貧居  
旧作

秋思

菊花枕

殘蝶

冬日出遊  
三首

冬日雜詠二首

寒山歸樵圖

歲晚偶成

空爆機

千人針

春夜聽雨

遠檐琴筑聽偏宜。便是驟暄催雨時。須識  
吟人今夜夢。池塘綠茁草初滋。

探春

輕暖輕寒漸愜身。意行出郭物華新。東風  
例作陽和使。展草開花妝點春。

籠鶯

遷喬夙志奈難酬。定獻珠籠寵過優。宛轉  
妙歌雉唱曲。低聲時似向人羞。

殘寒

仲春未易減。絲衣無賴殘寒故弄威。堪恨  
羣芳缺消息。欺人雪片做花飛。

春日村居

報晴喜鵲喜如何。挾冊學童相伴過。春試  
齊傳登第譽。一村佳景杏花多。

園中雜詠

園丁護花卉。辛苦有誰知。害蟲比凶寇。殲  
族誓無遺。

仙家竹枝

天台山下舊時村。誰說仙桃本事存。客不  
復來春轉寂。似眉纖月恨黃昏。

漁家竹枝

漁娃含笑伴漁郎。垂柳枝枝情緒長。相謔也宜時指點。晴波雙浴野鴛鴦。

失題

旧作

吾亦青樓薄倖身。縱狂儘比牧之倫。所慙終缺罪言作。品月評花徒賦春。

擬宮詞

宮樹花開春晝暄。妃嬪相伴涉芳園。翩翩蝴蝶誰輕撲。或是君王夢裡魂。

調蝶

栩栩唯須去伴莊。學韓底事太匆忙。牡丹紅拆春添豔。復戀花房飽竊香。

野寺觀櫻花

野寺櫻花分外宜。飄庭糝徑一紛披。黃昏  
撩亂更堪賞。便是鐘聲流出時。

櫻花雜詠 四首

真箇山櫻麗似霞。延元陵畔好韶華。懷哉  
七道荆榛日。獨護南朝是此花。

文采兵韜競擅場。英雄亦有錦心腸。行宮  
遙夜白櫻樹。十字題詩千載香。

邊地春風弄物華。提師征虜豈須嗟。籌謀  
已定多餘裕。駐馬關門詠落花。

當日榮華跡已陳。流離誰復庇斯身。鍾情  
只有櫻花好。假宿一宵爲主人。



東台雜詠

彭義隊墓碑在上野櫻邱花時  
遊人絡繹香火自不絕

恩讎事往有誰論。彭義隊碑猶幸存。我喜  
東台看花客。薦香未忘吊幽魂。

春晚雜詠二首

庭院無人畫漏殘。惜春獨自撥簾看。名花  
經雨紅將褪。一段愁心屬牡丹。

漸看園林新綠加。倚欄且對夕陽斜。翩翩  
殘蝶猶無倦。着意來尋兩後花。

打漿

打漿杳何處。空思桃葉家。春風渡頭水。只  
解送桃花。

初夏雜句 二首

簾架紫藤躡。中庭風帶香。置榻待來客。茶

煙終日曛。

林廬客不過。此景同誰撫。幽庭紅翠紛。半  
日楓花雨。

初夏出郊

新樹連遠坳。綠陰疑無地。黏屨幽草滋。埃  
塵不曾至。戛然一聲鶻。先我過野寺。

所見

誰家郭外謝。鶯煩種竹成。叢翠映軒。昨夜  
輕雷新過雨。早抽砌際幾龍孫。

初夏溪村

花後溪村興轉新。家家對客詫時珍。香奩  
上釣肥如許。更放瓜皮摘紫莼。

梅天雜詠

陰晴不定是梅天。永晝垂簾只懶眠。無復  
題詩發吾興。任他蝸篆浣蕉箋。

蝸牛

蝸牛方喜雨。意態兩殊超。不關蠻觸鬪。抽  
角上芭蕉。

池館偶題

芙蓉楊柳渚連洲。池館人閒景趣幽。翡翠  
去來過砌際。蜻蛉上下掠欄頭。

夏日到僧寺暑甚因戲書此二十  
字

林泉涼意乏。淨刹使人猜。  
彌陀同苦熱。袒裼露肩來。

夏日雜句

炎蒸復何苦。移榻傍叢篁。  
翠陰睡偏美。永晝足清涼。

夏夕戲詠

際晚嫩涼生。佳人妝恰罷。  
下階偷莞然。媚夜香如麝。

蓮花

出泥終不涿。妙質自無儔。  
如何張翠蓋。日夕欲遮羞。

詠史

平生志願是農夫。八百株桑足後圖。功就  
當時若辨相。躬耕甘自老成都。

涼宵

茉莉花開足賞心。涼宵亦是直千金。不妨  
乘興聊成詠。譜上佳人月樣琴。

團扇

團扇牽吾興。無端憶放翁。能詩曾入畫。嘉  
話遍吳中。

湖天

湖天風送數聲流。賴覺今宵煥暑收。畫閣  
玉人簾半揭。藕絲衫薄早驚秋。

秋暑久不退書即事

欲將燮理問昊天。氣候真成異例年。身著  
軍衫暑猶甚。中秋節過有鳴蟬。

西京雜詠二首

楊柳變青微。靄收鴨東月。夜亦傷秋。瑤琴  
按曲誰樓榭。應是佳人暫散愁。

西都秋夕自傷情。只覺桂香如水清。玉輦  
不來金鎖合。故宮寂寞月徒明。

湖波

湖波千頃碧紋浮。載酒記曾誇勝遊。紅葉  
鯽魚秋復好。神馳日日趁扁舟。

秋夜偶成

夜色玲瓏月滿樓。須將吟詠賞清秋。遠砧  
近笛知何物。却與騷人催暗愁。

貧居

旧作

貧居落莫散儒家。豈有逢秋賞物華。經過  
重陽已旬日。閒錢未得買黃花。

秋思

月前聞幽馥。又及叢桂時。久客獨憑檻。思  
馳白雲陞。契闊當日侶。裁否招我詩。

菊花枕

東籬秋色最關情。此枕太宜縫落英。所憾  
田園歸去未。宵宵徒是夢淵明。

殘蝶

露冷風淒籬畔秋。伶悒憐雨自牽愁。一雙  
舞翅衰無力。欲近黃花不自由。

冬日出遊三首

西湖風物未荒涼。追逐遊人意態長。却恨  
衆荷皆敗盡。竟無片葉覆鴛鴦。小西湖

年光奄冉不遲遲。裙屐遊春彼一時。寧耐  
車過徒惹感。寒煙枯木白鬚祠。墨堤

已過諸園縛菊天。出郊尋勝興新牽。楓紅  
水碧關圖畫。景物仲冬如此妍。澆野川



冬日雜詠二首

變日當軒午似蒸。使吾曝背好懷增。更欣  
微物分洪澤。暖處輕飛有凍蠅。  
融和氣味益渾軀。半日負暄他意無。誰獻  
官家邀重賞。當年多事是田夫。

題寒山歸樵圖

山徑崎嶇雪沒蹤。負薪搭杖太龍鍾。歸家  
知與老妻語。自古明時難得逢。

歲晚偶成

冰簾雪硯與誰親。寂寞僑居閱苦辛。却笑  
耐寒存氣力。瘦梅荒竹約迎春。

空爆機

縱橫健翼翔層穹。與他飛鵬渾不同。巨彈  
投處天地裂。都邑城郭轉瞬空。競精爭巧  
製戰器。夙先衆邦用新智。利劍雄戟失功  
勳。金甲貝冑變遊戲。雖然皮相徒費言。難  
明此方武道尊。欲識無比豪勇訣。忠義念  
願推根源。

千人針

街頭佇立忘苦辛。遍要千人刺針頻。維布  
雖奠寄戰士。攘災除厄情最真。羣姓蹶起  
齊報國。婦女亦誓致微力。尋常家務暫總  
拋。日從定課比公職。遠征盡是忠勇儔。豈  
敢怯死招耻羞。但此銃後援助意。飽祈安  
泰不得休。

新年東台晴望

得冬

春早

夢遊月瀨

春初出遊

新草

春江

碧桃花

借花樓觀櫻雅集即詠博小峴主人

一樂

三首

南園

次韻

偶拈

觀米利堅人某空中飛行

春晚

分韻得反

四月十日夜書事

悼亡

琴坡囑

牡丹

杜若花

夏日晚歸

西郊秋興

秋日途上

次某韻

初冬雜興

詠梅

雪晨

穆如清風閣用箋

新年東台晴望

分韻得冬

天心和協應時雍。喜得開年晴色濃。試陟  
東岡望京陌。日輝鳳闕紫煙重。

春早

殘陽悄地照荒苔。春早瓊葩何處開。料識  
佳人委空谷。愁容倚竹暮寒催。

夢遊月瀨

萬梅攢在白雲陞。忽漫勞吾訪勝時。種玉  
谿山開別境。絕塵天地愜幽期。林廬乞酒  
童先迓。野釣尋詩鶴偶隨。篔簹里春風苑引  
興。夢回猶覺暗香吹。

春初出遊

東風雙袖向誰家。一路離城日未斜。瀟灑  
林亭忽遶我。幸然有酒有梅花。

新草

春入燒痕一雨經。蔥茸已看接煙坵。雙鞵  
須使紅羅繡。兒女關心是踏青。

春江

桃花江水碧依依。兩細風斜期不違。我喜  
鯁魚春促釣。漁人公事補蓑衣。

碧桃花

碧桃綴萼漫夭夭。聞說玉樓通路遙。靈鳥  
不來仙信斷。一年春色又蕭寥。

借花樓觀櫻雅集即詠博小峴主人

一棗

多處如雲麗處霞山櫻競發比鄰家主人

自引詩翁例一醉無名故借花

故一借醉花無名查

句初白

芳筵邀我坐春風一醉豈辭顏帶紅片片

飛花亦添興有時來點酒杯中

五次小峴

隔絕不聽聞井甃賞芳得意醉春醪詩家

若把仙家比何必紅櫻讓碧桃

席上分韻得豪

南園 次韻

新晴烘暖午風微女伴嬉遊試繡衣最好

南園春若畫闌花撲蝶各忘歸

穆如清風閣用箋

偶括

溼雨暄晴共損芳。綠何調理得奇方。詩人  
例愛春陰好。擬向通明奏綠章。

觀米利堅人某空中飛行

何必翱翔羨健翰。飛行如許意初安。從今  
縱學仙人術。不復青冥駕皓鸞。

春晚分韻得仄

幾日東皇駕欲回。感斯時節倚亭臺。兩餘  
香歇花皆謝。風裡曲傳鶯尚來。無限情懷  
須托筆。不多滋味未呼杯。斜陽翻是妝殘  
景。紅襯園林晚霽開。



四月十日夜書事

鑿駕趁宵返。肅趣何限愁。花殘御街寂。月  
落禁庭幽。貞淑積坤德。聰明裨聖猷。思量  
事如夢。羣姓淚同流。

悼亡

琴坡囑

人與春徂竟不歸。幽庭鎮日覆荼蘼。忍看  
晚照紅如夢。尚覓故花殘蝶飛。

牡丹

名葩真似說榮衰。紅錦生光朝日高。便此  
平陽新得寵。奏歌舞罷拜官袍。

杜若

高低着萼擁沙汀。縱賞最宜池上亭。乍憶  
光琳會心筆。銀屏滿寫紫娉婷。

夏日晚歸

白雨灑郊到。林梢殘日黃。揮鞭獨歸晚。心  
與馬蹄忙。

西郊秋興

良歲逢秋稔。西郊杭稻黃。連村齊受惠。闔  
境總稱慶。欲祝天功就。堪欽帝澤長。調和  
因玉燭。成熟得金穰。幾日應收穀。斯時已  
築場。從耕無厭賦。力穡自甘忙。愛見疇添  
色。欣聞野帶香。市廛非樂土。田里豈窮鄉。  
食足家規立。租平國法彰。通鄰開徑路。分

局隔籬牆。地豁饒晴景。曾澄朗夕陽。烏鷺  
翔遠嶂。犢犉過前塘。物象佳如許。民風朴  
局妨。屬辭誰獻闕。私擬補函章。

秋日途工

次某韻

流落天涯客。逢秋足感傷。一心如皦日。雙  
鬢已繁霜。清世功名少。窮途歲月長。倚鞍  
時悵望。木葉脫疎黃。

初冬雜興

出郭翩然何處行。斜陽一變隔林明。老楓  
尚待停車客。刺得霜紅對晚晴。

詠梅

數枝風格壓他花。好挿瓠中野我家。似見  
騷人緒餘戲。霜縑乘興貌橫斜。

雪晨

雪晨寒似刺。辛苦最關情。襤褸誰家婦。迎  
街賣鼓行。

新年

梅花雜詠

櫻花

白牡丹

訪友人新居

螢

江鄉

涼酌聽雨  
課題

夏日偶詠

古鎧  
二首

即事

古中元夜偶書

元祿俳女歌

前赤壁集字

後赤壁集字

秋夜即事  
課題限仄韻

即景

乾坤

新年

淑氣氤氳入吉辰。眼前景物自宜人。門松翠映庭梅  
白。妝點詩家歲且春。

梅花雜詠

頭顱已老鬢蕭然。豈有風懷似往年。却笑梅花猶賺  
我。又乘夜月訪嬋娟。

櫻花

麗質妍姿真擅場。名花果見屬東方。縱燒  
銀燭夜相照。未把紅妝稱海棠。

白牡丹

愛此名園白牡丹。邀賓縱賞日添歡。門雖  
如市春如水。不做豪華侈麗看。

訪友人新居

居就閒街卜。衡門日日扃。苔紋連細徑。竹  
粉散幽庭。禪刹新鄰曲。西鄰詩家舊典型。  
主人無俗習。對客澹忘形。

螢

偶感時事作此詩

風高儘翻影。雨黑專增燿。夜蟲奇如許。點  
點燃燐飛。壑城足慘禍。死者消息稀。樽俎  
難了事。忽及新螢時。觀物自抱憾。不覺雙  
涕壅。將言異域鬼。化碧斯時歸。

濟南別稱壑城

江鄉

梅雨晴來淺夏宜。江鄉口福報誰知。嫩荷  
葉葉齊抽綠。已及人家包鮓時。

涼酌聽雨

課題

涼沁杯心醉味清。湖亭對酌此時情。芙蓉  
欄外齊抽葉。雨灑碧盤珠有聲。

穆如清風閣用箋



夏日偶詠

絕無焦暑是山居。苔榻石牀消日初。矧得  
潭龍時卷水。助涼飛雨到庭除。

古鑑二首

鐵甲銀鑿殊製工。看來感慨與誰同。欲知  
舊物非無用。自表前人勇武風。  
吾祖擢之經戰場。功勳聲望豈茫茫。迺期  
敢作傳家寶。鈴櫃秘藏珍惜長。

即事

清晨豈有動炎埃。步出郊坰氣爽哉。幾處  
風光秋已好。村家籬落槿花開。

古中元夜偶書

家家齋祭競招魂。入夜照冥門炬繁。豈省  
月光清潑水。一年總沒賽中元。

元祿俳女歌

元祿俳女生貧家。窮乏不歎辛苦加。唯縱  
宿好飽耽詠。聲譽早已馳邇遐。適遊東叡  
賞春色。花下擣藻弄楮墨。一品親王固憐  
才。傳命許謁優遇極。俳女有父霜盈頭。養  
老任嬾百無求。獨願寶殿身亦候。生前光  
榮絕等儔。俳女慰藉披誠款。自言好機定  
非罕。果然復際恩。召時扮做從者直同伴。  
別院簾捲林泉殊。闔座相接賓客俱。俳女  
助興移日晷。黃昏拜轎就歸途。豈圖大雨  
覆盆至。泥濘妨步行人躓。俳女驚愕遽捨  
轎。促父代乘脫危地。事出倉卒難知因。昇  
夫怪訝含怒瞋。迺告顛末深謝咎。盡辭全  
禮能感人。俳女篤行資談說。衆口嘖嘖稱

揚切。一品親王厚旌褒。惠賂給物長不輟。  
俳女小技何必論。所貴奉親情彌敦。宜哉  
後代久追慕。姓名不滅今尚存。嗚呼人間  
萬事無如孝。家家齊重子女教。為據舊記  
成此篇。勸獎擬致涓毫效。

俳女名秋、號秋色、所謂秋色櫻者已枯、

今東台清水堂之側、僅揭榜表其處、予

恐俳女事蹟漸湮滅、聊作此詩、

前赤壁集字成短古一章

赤壁夜泛舟。山月映江水。中流擊空明。搖  
槳行復止。獻酬舉匏樽。扣舷歌聲起。興會  
期無窮。佳遊一如此。豈謂天地間。蜉蝣微  
難恃。作達與客娛。襟懷欽蘇子。

已作前赤壁集字不可無後赤壁集  
字迺復賦此

長流水全落。斷岸千尺歎。顧望寂寥甚。木  
脫風淒其。巉巖罷攀踐。月下無所之。反而  
登舟去。已過夜半時。江山換景物。留客猶  
弄奇。飛來者縞鶴。翻翅呈殊姿。

秋夜即事

課題限仄韻

總被林颺吹掃蕩。紛紛枯葉撲書幌。夜深  
應是石泉埋。砌下淙淙全絕響。

即景

茅屋石橋溪水頭。晚鴉翻盡暝煙浮。殘陽  
隔岸猶呈彩。微映半林紅樹秋。

乾坤

乾坤落落奈孤竅。未識向誰披素情。偶有  
野梅凌雪笑。幸然如慰我平生。

穆如清風閣用箋

開歲避寒

課題

春月

春夕懷鄉

望嶽臺觀花賦此博松陵主人一粲

澤上觀競渡

觀競馬 四首

泛舟玉川納涼 分韻得佳

鎌倉懷古

秋景 二首

蠟梅

偶拈

寒夜 二首



閑歲避寒 課題

避寒就此地。最宜歲之元。靈湯澡浴罷。殊  
喜四體溫。梅馥正通座。春意浮酒樽。

春月

真成春月可憐生。帶暈籠煙如有情。爲是  
梨花白于雪。一欄相照太分明。

春夕懷鄉

都門落拓鬢將華。爲客卅年猶賃家。此夜  
月明鄉思動。欲歸山館對梅花。

望嶽臺觀花賦。此博松陵主人一粲。  
樓頭對仙嶽。門外通皇衢。卜居住高墀。自  
遠。囂塵區。維時春陽節。景麗天氣殊。廣庭  
列嘉樹。爛漫花滿株。主人長貨殖。今代稱  
陶朱。餘事愛風雅。每極翰墨娛。斯日踐吟  
約。設醪邀朋徒。寵招及小子。驚喜叨赴趨。  
壓階暖雲簇。飄砌晴雪鋪。韶光耐賞玩。髣  
髴披畫圖。杯盤陳綺席。供給浚郇厨。久坐  
興無盡。不知日至晡。締交緣文字。深感情  
不渝。所以忘貧富。獻酢傾玉壺。

澤上觀競渡

江東五月霽色美。競渡舟泝澤之水。士女  
裙屐傾陌阡。麋至擁隄觀。快技楚濱遺。習  
不必論。故事祇今新意存。舉世方重健體  
力。武勇氣風皆敬尊。健兒竝舫作橫列。鐵  
腕操橈角優劣。輕影逆風燕翻飛。矯姿蹴  
浪龍奔軼。萬衆一齊搖彩旗。歡呼喝采無  
歇時。顯場盛事匹無物。感極聊裁競渡辭。  
櫻花擅豔不能久。韶光轉瞬歸烏有。長爲  
麗都添壯觀。斯會年年卜春後。

觀競馬四首

振鬣鳴蹄孰最雄。分裝騎士壯姿容。彩旗  
忽閃風雲動。驀地爭驅八尺龍。

賀戎社頭修典儀。王朝勝事世猶知。祇今  
競馬施新法。盛觀也如中古時。

忍教逸物老蓬蒿。遠道輸來不厭勞。果爾  
登場著殊績。光譽第一拜恩褒。

番番馳逐決雌雄。萬衆歡呼興不窮。依例  
富豪誇意氣。千金散盡四蹄風。

泛舟玉川納涼分韻得佳

探涼放舫玉川涯。萬斛清風屬我儕。寧羨  
當年河朔飲。冰壺咫尺愜詩懷。

鐵倉懷古

西來胡使何所求。竊挾異圖臨神州。白日  
黯慘龍之口。傳命處斬梟其頭。相摸太郎  
關東傑。膽氣才畧兩卓絕。誓拯危難揚武  
威。膺懲驕酋忽必烈。諸將受首爭練師。海  
濱鏖戰驅貅貔。天祐適會颶風起。胡艦覆  
滅無孑遺。勇斷不失萬年計。金甌無缺耀  
累世。當初倘誤忍屈從。恐爲附庸變屬隸。  
史家論議誰最公。紛紛褒貶徒雷同。陪臣  
執柄不無咎。首帥勦寇難沒功。我遊鐵倉  
訪陳迹。規模猶想弘安昔。瑞鹿之名何其  
佳。巨剎傍山靈場闢。紺殿琳宮屹嶙峋。翠  
松蒼柏雲相鄰。便識結構驚衆目。英雄氣  
宇殊超倫。庭後攀磴更移步。曲徑漸盡得

墳墓。墓邊祠廟亦儼存。肅然使人增崇慕。  
嗚呼明治天子旌忠誠。聖慮深遠感羣氓。  
一位追贈典真重。無比寵獎多餘榮。

鑊倉圓覺寺稱瑞鹿山。係弘安役後時  
宗所創立。寺內有時宗墓。今依墓構廟。  
所謂瑞鹿山者。因開堂之日有羣鹿臨

筵云

明治三十七年五月朝廷追贈從一位  
遺神奈川縣知事周布公平。告時宗墓。

秋景二首

殘楓紅落盡。林寺淡斜暉。輟帚閒僧立。秋

寒壞色衣。

衡門誰寄跡。疑是晉時賢。殘菊無人管。東

籬犬獨眠。

蠟梅

幽葩開最後。臘日占春芳。蜂蜜本同色。麝

囊疑貯香。帶煙妖態少。傍水素情長。澹雅

殊宜月。

清奇不怯霜。

梅花甘作伍。

菊蕊豈

專場。雖匪仙姝樣。聊成隱士裝。

偶拈

青春一去杳難追。當日懽悰說向誰。自有

夢樓詩句意。

枇杷花下閉門時。

寒夜

二首

小齋指卷撥爐灰。奈此奇寒砭骨催。坐到  
三更四更後。風聲乍絕霰聲來。

寒威凜烈逼窓紗。翻喜今宵清趣加。做得  
陶家貧學士。半甌雪水自烹茶。



新年松 和歌初題

花時出遊戲書一絕

花朝

清明

寒食

春晚雜詩

飛瀑圖

晚步追涼

夏曉泛舟

秋海棠二首

秋夜讀書

廢園看菊花 觀題

穆如清風閣用箋

天長節恭賦

寒江獨釣回

窮臘

歲暮有感書絕句

新年松 和歌勅題

翠蓋籠春。偃禁庭。後凋共祝。保仙齡。靈竒  
別有千年物。根滴玉脂生。茯苓。

花時出遊戲書一絕

杉角帽尖。渾軟塵。出遊日日賞芳辰。自嗤  
情累長難擲。又為櫻花賦冶春。

花朝

麗日和風晴恰宜。紅情紫思奈難持。猶將  
佳句成佳話。昨夜花神夢乞詩。結句郭頻  
伽成句

清明

梨花淡白映牢晴。節物休言苦攪情。我喜  
東欄一株雪。今年又看好清明。

寒食

韶光取次促詩篇。百五今逢寒食天。不似  
人家廢厨竈。杏花如火柳如煙。

春晚雜詩

惜春不厭酒添籌。醉夢瞢騰在綺樓。帶雨  
晚風吹作惡。玉人替我爲花愁。

飛瀑圖

絕巘懸長瀑。銀河瀉自天。誰續匡廬詠。今  
無李謫仙。

晚步追涼

涼動江鄉夕。薄衫拖杖行。鳥啼明月出。魚  
躍暗潮生。渺渺葭連浦。依依柳映城。橋頭  
停步久。爽氣解餘醒。

夏晚泛舟

殘蟾澹澹看將沈。早放瓜皮向水心。驚起  
幽禽觸荷柄。滿翻花露灑詩襟。

秋海棠二首

幽花瘦損有誰憐。腸斷西風暮雨天。不似  
蜀中春競艷。嗾人直做海棠顛。  
不燒銀燭照花枝。寂寞秋宵閉院時。唯有  
嬌娥光似水。孤芳弔影傍幽墀。

秋夜讀書

青燈相伴坐書堂。豈厭漫漫秋夜長。文字  
千年堪咀嚼。遭逢一代要思量。窓鄰幽竹  
月移影。砌帶猗蘭風動香。讀罷離騷猶未  
寢。古愁容易使人傷。

廢園看菊花 課題

豪華夢一場。園廢舊規荒。無恙只黃蕊。值  
秋飄冷香。

天長節秦賦

佳辰獻壽菊花杯。侍醮羣臣感自催。仁被  
黎民滋雨露。威加蠻貊赫霆雷。漢家全盛  
洪基固。唐室連昌泰運開。矧有儲皇資聖  
化。超荒鶴駕趁程來。

寒江獨釣圖

寒水枯蒲冬景奇。何人放艇賞斯時。壘綸  
漁叟無風起。只釣纖鱗不釣詩。

窮臘

窮臘積陰合。雨雪頻相隨。徃來著笠屐。行  
客皆嗟咨。濁泥真萬斛。道路俾沼池。倘跌  
落深淖。匹似禽委羶。逡巡漫促晷。辛苦移  
步遲。壯夫已困憊。羸者難支持。大都廣陌  
上。陷窞多伏兔。庶氓果何罪。艱危今至茲。

穆如清風閣用箋

仰翹天默默。此意誰得知。寒飆更吹霰。閑  
霽茫無期。

歲暮有感書絕句

萬家迎歲計。應成爭遞冬。冬磔磔聲。知否  
東風天福薄。荒饑求救泣。瘦氓。



題畫

新晴

春曉過田家

江上酒家課題

途上

花後偶成

梅雨偶拈

玉川舟遊

秋晴所見

秋日田家

湖邊

秋日偶題

除夕小集率賦似諸子

畫竹三首

有感似某二首

書感二首

穆如清風閣用箋

題畫

觀梅人散盡。江路寂無喧。晚渡搖春綠。孤  
舟鶴踏翻。

新晴

晴色今朝好。欣然出曳藜。初陽臨郭麗。斷  
靄隔郊迷。籬落紅桃拆。畦疇綠麥齊。雨餘  
韶景足。點檢入新題。

春曉過田家

曉色看分淡。靄收東郊一。望。總田疇。杏花  
綻。處柴扉啓。早有農翁起。飮牛。

晁氏客話曰。望杏而耕。蓋以杏花時爲  
耕候也。

江上酒家課題

鶯春鴈夜興何如。灑上酒家謀醉初。高唱  
鄭詩多會意。結鄰直擬卜幽居。

鶯春鴈夜長如此。賴是幽居近酒家。鄭  
谷詩句也。

途上

江南花落雨淅淅。一望連空草色迷。自有  
行人行不得。鷓鴣且莫盡情啼。

花後偶成

狂風猛雨作讎來。盛麗豪華安在哉。始悔  
當初求富貴。園庭多把牡丹栽。

梅雨偶拈

水沒菰蒲雨未收。陰雲日合畫偏幽。池亭  
不着褰簾客。翡翠銜魚上檻頭。

玉川舟遊

佳約携朋侶。舟遊載酒時。放篙離曲岸。撒網傍幽湄。野屋煙初暝。川林日漸移。割鮮頻舉盞。向晚欲歸遲。

秋晴所見

滿路遊人笑語多。聯翩裙屐作行過。觀楓賞菊供名目。齊值牢晴鬪綺羅。

秋日田家

炊煙幾處颺郊扉。撫景村頭已夕暉。  
遺德又知施鳥雀。明時鰥寡未憂饑。

湖邊

淒涼秋思夕陽知。柳瘦荷殘正此時。  
不管榮衰只覓鴨。相呼依舊浴漣漪。

秋日偏題

秋意闌殘。易夕陽。遠園幽屐且徜徉。芙蓉  
顛賴紅顏改。未必宵宵能拒霜。

除夕小集率賦似諸子

風流文雅會。好值祭詩宵。梅氣一龕靜。酒  
香當席飄。寄生慙齷齪。遣興托逍遙。預約  
筵韶節。吟遊同接鑣。



畫竹三首

風格何瀟灑。絕塵推此君。寫來時挂壁。滿  
室有清氛。  
野篁新入畫。興旺墨淋漓。此景存何處。而  
過清渭湄。  
不除塵垢氣。畫竹豈傳神。墨戲雖朋事。猶  
堪諭鄙人。

有感似某二首

不須末技競彫蟲。游戲賦詩晨夕同。却笑  
時人過穿鑿。狂猜諷刺寄斯中。  
慷慨之言激越辭。何人鬼面嚇癡兒。我飲  
天下有為士。却賦雲煙花月詩。

書感二首

寰宇幾邦土。對峙分品流。通觀仔細檢。孰  
是推最優。偉哉東方國。肇基有來由。神孫  
夙垂統。終古傳金甌。內常綏黎庶。外屢懲  
寇讎。二千五百載。奕世宏皇猷。所期保天  
祐。敷治無曾休。德澤久逾洽。自化全地球。

◎

西客皆巧黠。東人概豪麗。性情本來異。趨  
嚮自別途。東人重道德。赴義慙怯懦。西客  
愛財貨。逐利嫌躊躇。所以動離背。難作真  
朋徒。隨時較優劣。未必辨護誣。誰能合兩  
者。和平現華胥。斯事豈易望。局面長糊塗。

立春日偶詠

詠梅用陸放翁西郊尋梅韻

村墅

題孤山圖

春日口占

題画

上巳口占

芍藥

麥寒

夏日田舍

夏日偶拈

新秋夜坐聞兒輩讀書率然得絕句

山童

溪叟

墨菊

山家犬

蓼花

秋夜過江村

秋宵

秋晚田家二首

秋晚出遊三首

山寺觀楓

茶梅

窮人

冬日雜詠

晚冬過村家

十二月二十三日恭賦

雪日用聚星堂詩韻漫書

古硯

立春日偶詠

回煖春候到。節序那曾違。今朝多佳氣。瑞日晴增輝。  
幽栖俗紛絕。身閒脫羈鞿。不害憐景趣。倚軒意依依。  
池邊柳含翠。園際梅傳馥。鶯囀已出谷。魚躍初傍磯。  
羣物皆得性。一一觀天機。迺放德托跡。吾亦憂悶稀。  
願長占樂地。安分甘賤微。優遊自隨化。豈謂時命非。

詠梅用陸放翁西郊尋梅韻

第一春信開素豔。珍重相見不相厭。乘月薄夜過村  
 橋。臨風早晨傍山店。此花全蠲妖冶態。教人飽消繁  
 華念。獨立仙禽偶能隨。紛飛癡蝶豈得覘。修竹充友  
 情。應親牡丹稱王位。或僭迺於塵外締佳盟。泉石膏  
 肓久難斂。所願天下遍訪他。勝區題詠總不欠。長吟  
 短吟盈奚囊。清詩未須費鏤剗。却恐賞心易乖違。爛  
 漫輒作飄零漸。追思月瀨惜芳時。萬玉交影蘸溪澗。

村墅

薄寒淡暮恰斯時。村墅賞梅歸自遲。不是春星攬弄  
 彩。皓葩綴玉儘樽壺。

題孤山圖

悵望孤山落照微。梅花何意獨傳辭。邱園已廢林廬  
閑。高士仙禽去不歸。

春日口占

柳暗花明三月春。須將行樂度良辰。黃鶯如領青皇  
意。宛轉嬌音更喚人。

題畫

屋舍隱巖樾。遙聞雞犬聲。或是仙源路。泛流多綠英。

上巳口占

好祭離人兩聖妝。女兒遊戲有儀型。白醪紫蛤供時物。更插桃花春一飮。

芍藥

休向花前誦鄭詩。此方良俗固深知。無人相謔拈為贈。芍藥園園競艷時。

麥寒

斜陽庭院綠重重。花後吟懷一味慵。欲喚侍兒添半臂。麥寒無賴已欺儂。



夏日田舍

夏畦同耨苦驕陽。茅店豈圖能占涼。饑罷夫妻來暫  
憩。賣瓜棚好午風香。

夏日偶拈

棋伴詩朋無所迎。晝眠支枕適幽情。脩梧庭院風蟬  
響。夢裡聽爲過雨聲。

新秋夜坐聞兒輩讀書率然得絕句

井畔梧桐葉響初。涼風颯雨入吾廬。兒童不識求夏  
患。得意挑燈頻讀書。

山童

山童慣山野。馳逐不知勞。相喚又求果。穿林捷似猿。

溪叟

溪叟日臨溪。釣竿携在手。獲魚何所要。常換近村酒。

墨菊

墨菊何人故寫秋。淵明風格定深求。不追黃綺出山  
例。解纜歸來猶黑頭。

山家犬

無由異代伴劉安。寄托山家秋已闌。求食時逢红柿  
墜。猶疑紙鼎就餘丹。

蓼花

綠叢紅穗尚風姿。奈此江鄉秋暮時。惆悵芳心無省者。蕭然長自護幽湄。

秋夜過江村

縈紆江路傍汀斜。未識誰邊酒可賒。風起紛紛乾葉亂。月光一白照蘆花。

秋宵

秋宵談怪異。幽屋靜無譁。月轉梭櫺影。當窓貌夜叉。

秋晚田家二首

西成收穫足。樂事屬村農。稻舂珠算斛。堆碓試新舂。  
豐年饑餓少。寡婦亦忘憂。晨昏拾盈把。遺穗委田頭。

秋晚出遊得小詩數首

黃梨與丹柿。映帶滿林園。欲識村家富。豈唯禾菽繁。  
野風皺滌碧。幽興托苔磯。聞得釣人語。鯿鮓三十肥。  
村叟亦栽菊。開園賞晚榮。所憶乏騷思。不希餐落英。

山寺觀楓

禪庭借榻自忘還。霜後林楓照我顏。老衲能諳色空  
理。猶誇紅錦爾攢斑。

茶梅

菊後梅前興斬新。紅葩綠葉總宜人。天公意匠須看取。巧貴園林十月春。

芻人

浴雨又梳風。護木功大矣。如何秋獲過。尚立空田裏。

霜晴

雀喜牢晴。喧噪齊。林園倚杖索新題。將言  
霜是重於雨。顆顆壓枝丹柿低。

寒郊

寒郊晚色催。殘日低林薄。謀食不辭勞。饑  
鷹猶逐雀。

冬日雜詠

開爐例邀客。雅會入冬多。著名茶博士。趁  
約亦來過。

晚冬過村家

凍雲看合日傾西。只有鶻鷁飛且啼。野老  
堤傍猶種菜。偏憂大雪急埋畦。

鶻鷁姑鳴則天大雪見于物類相感志

寒山歸樵圖

暮嶺寒催雪。樵夫苦負薪。所願歸家後。爐  
邊坐占春。



十二月二十三日恭賦

臘月念三日。天氣晴如春。萬戶傳吉語。大  
都歡聲新。皇儲始降誕。瑞靄籠玉宸。養育  
總良姆。輔導皆蓋臣。迺欽祖宗業。承繼真  
有人。威足遏凶寇。恩自懷齊民。累葉超百  
代。御極長侔神。丕基定逾固。隆化應益勻。  
表慶感激甚。作頌嘆稱頻。熙熙物象好。俱  
卜釐福臻。

雪日用聚星堂詩韻漫書

天空昨夜疊雲葉。今朝灑地紛降雪。草堂  
飛檄催詩軍。白戰申令興。實絕汝南典故  
牢記長。東坡居士夙心折。維昔會飲存佳  
話。于今風雅難廢滅。想見當席陳杯盤。走  
筆紙上龍蛇掣。此日王客追先蹤。帶醺顏

面紅已纈。庭砌生彩瓊瑤堆。寒飈未必覺  
蕭屑。勿言陽春到太遲。唯惜清景付一瞥。  
豐年獻頌誰躊躇。聖代耽詠自有說。欲識  
吾曹得意處。策勳不敢要寸鐵。

古硯

古寺一片軌。爲硯經幾年。好事夙珍賞。藝  
林聲譽傳。物皆有宿契。遇合竟難制。先子  
曾獲之。感銘領天惠。秋軒月臨宵。春館花  
發朝。靜坐例擣藻。相伴佳趣饒。先子盛藩  
士。武術絕無比。而性重風雅。措他却耽此。

自言小功名。猶是累半生。豈如除煩惱。恬  
澹全真情。滄桑世局改。文教燦放彩。先子  
已蓋棺。遺愛硯獨在。予也雖迂愚。講學聊  
稱儒。偏慙邀榮達。躁競趨勢途。不妨固信  
命。遣懷亦從詠。對硯憶先子。追慕逾致敬。

神苑朝

和歌初題

早春雜詠

觀梅雜詩

聖盞

花朝兩

戲詠

杏花雙燕回

偶詠

對局

偶書

春晚訪僧家

官街

紫陽花

夏日雜詠 二首

午眠

江墅避暑

苦蚊

涼夜

題画 二首

缺題 二首

秋景 三首

秋夜偶詠

漁人

寄某

田園雜詠

冬日偶拈

寒溪歸棹

穆如清風閣用箋

寒江獨釣

聖夜雜詠

戲書似人

歲晚雜詠

隱居

附記

題画

墨堤雜詩

殘春

搜魚

初夏口占

聽水籬

奚僮

鉞江竹枝二首

和集韻

溪居

偶成

秋日村居

晚秋雜詠

冬晴偶拓

鶴如清風閣用韻

神苑朝和歌勅題

肅拜欽威烈。頌斯軍國春。歲朝氛翳斂。靈苑赫曦新。

早春雜詠

小雨朝來潤似酥。早春詩景此時殊。憐他芳草抽纖綠。煙色遙看近却無。

觀梅雜詩

溪山如畫自堪誇。喜看萬梅齊綴花。愛物若能鄰可卜。竹林未必願移家。

雪盡

雪盡遙岑暖。靄籠溶溶一水拍隄通。憑誰好問河豚信。竹外桃花已綻紅。



花朝雨

百花生日是今朝。底事詩人魂暗銷。一半

韶光看過了。輕風小雨自幽寥。楊誠齋詩  
小雨輕風

春一  
半

戲詠

二十四番春各般。羣芳次第上毫端。先生  
此際聊矜伐。身是東皇修史官。

杏花雙燕圖

江南又是杏花時。惆悵佳人難自持。不似  
雙樓雙燕好。妝樓無伴兩如絲。

偶詠

得意題評半闌言。遺山聲譽亦徒存。月前  
疎影混梅杏。憨態清姿同列論。元好問  
杏花詩

疎影黃昏月獨  
愛寒梅蕊未平

對句

對局依翠屏。半日儘移晷。不必論輸贏。消閒適如此。風花亦堪憐。點點雜飛子。

偶書

無能有味我生涯。百歲長期領物華。身健今春更強意。又留老眼對鶯花。

春晚訪僧家

三春芳事一咨嗟。且伴老僧談柄加。若得四禪天上住。劫風竟不散高花。

官街

官街日永未斜陽。趁約追隨車馬忙。甲第開園賞春暮。微風遙遞牡丹香。

紫陽花

呼以紫陽多寵榮。詩人蚤已命其名。為言

忽現仙庭戲。絕類寶毬施。繡成。序白居易詩

寺有山花一樹無人知名。色紫氣香。芳麗可愛。頗類仙物。因以紫陽花名之。紫陽花

又名紫繡毬

夏日雜詠 二首

幽庭囂紛絕。偏與長夏宜。蕉影蔽天合。苔

色鋪地滋。一塵不侵處。吾榻常可移。

小池亦堪賞。菡萏非妖嬈。出泥性本潔。逆

風香猶饒。對之諳君子。鄙吝渾欲消。

穆如清風閣用箋

午眠

松下臥榻宜午眠。山庭雖暑炎氛蠲。便將  
藹藹答謾謾。超然脫俗聊擬仙。更識栖穩  
鶴結夢。此時不賜烹茶煙。

江墅避暑

閒墅依清瀆。三伏暑堪避。留宿已及旬。頗  
諳足幽事。婦時浮瓜回。兒屢漉魚至。銷夏  
皆怡情。殊覺起居易。襜褕矧不過。自與城  
府異。願長滯斯區。幸謝身世累。

苦蚊

書堂廢夜讀。揮扇仍燠煙。蚊也物雖小。來  
襲殊猛烈。其嘴利絕類。虐吾如爭先。渾厭  
憑机坐。却希垂憫眠。勤學抱負減。已老非  
少年。念之發長嘆。欲乞何人憐。因憾滋育  
意。天地猶有愆。陰蟲飽逞害。迄今終難蠲。

涼夜

涼夜月如水。真覺煩暑無。攬衣步庭際。翠  
竹鄰青梧。報秋知何物。驚我蛩早呼。

題画二首

江水蕩搖浮月流。荻花楓葉逸舟稠。琵琶  
斯夜若彈曲。髣髴潯陽遷謫秋。  
扁舟載酒月明中。赤壁佳遊無乃同。所憾  
千秋缺奇筆。難將詩賦繼坡公。

缺題二首

落寞江湖奈索居。蕭蕭蘆荻著花初。何人  
抱被能來宿。風雨一宵同讀書。  
隔美人兮天一涯。秋江乘月放舟時。孤懷  
牢落無由慰。蘆荻花前拈笛吹。

秋景三首

秋山探絕景。不覺夕陽斜。林楓紅晒錦。泥  
客自停車。

閒郊輪鞅絕。秋草亂抽英。風情誰會得。倚  
杖檢蟲聲。

蘆荻花如雪。舟橫淺水湄。半日吾遊好。釣  
魚仍釣詩。

秋夜偶詠

落月照林屋。永夜已幾更。揭來慣幽寂。竊  
獨寧傷情。如何啾啾鹿。頻做呼友聲。

漁人

江畔逢漁人。要詳滄洲路。杳渺煙波連。扁  
舟或叵赴。聞語祇破顏。措吾去不顧。

寄某

名場有恩怨。宦海多浮沈。不害猶从士。屏  
蹤山林深。料應謝聞達。獨自珍其琛。

田園雜詠

鼎鼐調和別有人。田園晦跡了前因。却忻  
常得格。美好。蔬菜煖。妻厨味新。

冬日偶拈

褰簾一笑我何慳。也好忍寒望遠山。昨夜  
玄冥遽催雪。碧孱顏變白孱顏。

寒溪歸棹

驟雪晴時夜已闌。奔流不復響迴湍。放篙  
乍碎玻璃面。嵌得半稜斜月寒。



寒江獨釣

把笠頭上戴。把蓑身邊披。垂綸獨夫興。憐  
此殘冬時。日月逝難住。百歲匆匆移。只喜  
存素願。半生拋塵羈。富貴君勿羨。貧賤君  
勿悲。吾元背流俗。平昔聊矜持。容衆天地  
大。托跡江湖宜。何妨學漁釣。世外成心期。  
枯菼傍曲岸。冷禽依幽澗。不厭風與雪。弄  
竿歸家遲。

雪夜雜詠

入夜復催雪。掩空同雲屯。山家早扃戶。地  
僻無些喧。襲庖豈他物。困饑多林猿。

戲書似人

雖然老矣我何嗟。剩此風懷。蕊以加。悵是  
描梅枕。盛菊寒宵。夢尚不離花。

歲晚雜詠

閒中日月未遲遲。容易復逢殘臘時。且喜  
耽吟存夙好。傾筐自揀一年詩。

隱居

隱居靜養老。未遽嘆衰殘。琴書幸托興。意  
適而體胖。世間修仙者。何事徒求丹。

附記

偶檢篋底得旧詩稿因聊加刪改附  
記其十數首于此云

題画

春閨畫靜繡帷垂。爛熳海棠當砌時。解道  
佳人夢方熟。栩栩遊蝶上花枝。

墨堤雜詩

野渡無人犬吠雲。長堤草色已黃昏。江風  
吹送殘櫻雨。春老王孫墓畔村。

殘春

殘春餘幾日。無限惜芳情。落紅偏恐踏。不  
復下階行。

梭魚

緣木魚可求。造化意殊厚。屏蹤愛山家。隨

分天祿。受鱗甲。存形畸。割烹傳方久。饗食  
足濟饑。和醋更適口。三月春將徂。巡林始  
採取。異珍賑荒尉。貧居物自有。

初夏口占

凡紅俗紫付茫然。新綠滿庭濛似煙。此際  
撩人更何物。啼過裂帛一聲鶉。

聽水雞

水雞啼處水煙青。長短菰蘆洲又汀。猶記  
歸舟微雨夕。玉姬祠畔幾聲聽。

奚僮

巡庭灑掃是奚僮。樹淨苔香暑氣空。日暮  
工夫更添趣。丁寧點火石燈籠。

鉞江竹枝 二首

致富魚塩久播名。江鄉自古足繁榮。艷娃

穆如清風閣用箋

便好常留客。一例橫波當席傾。  
滿江明月滿江風。漁唱商歌處處同。別有  
遊人賞涼夜。管絃聲沸畫舟中。

和某韻

十里長江歎乃歌。漁翁興會此中多。逃名  
若作終身計。我亦移居辨笠蓑。

溪居

溪居幽以阻。物景一驚奇。避石魚行曲。迎  
風禽坐危。

偶成

百端事務是人寰。未必厭煩逃入山。能節  
寸時尋樂地。偷閒氣味勝長閒。

結七字白  
居易成句

秋日村居

經過關犬是村童。門巷喧囂殊惱公。更恨

無情損秋色。破籬惡。踏鴈來紅。

晚秋雜詠

晚秋天氣一淒涼。瑟瑟風生度野塘。戲水  
鴛鴦今不見。葦枯荷敗又斜陽。

冬晴偶拈

喜此冬晴風不寒。徜徉撫景我園寬。早葩  
已綻梅橫玉。老葉未飄楓晒丹。

雪齋

湖亭早春

梅花雜詠

紅梅二首

小園

春日雜詠二首

春宵二首

蝴蝶

掃晴娘

醉臥

春郊

農家雜詠

遊東台二首

感舊

拾貝

雨中上巳

春晚

春晚出郭

春晚閨情

又

看花偶拈二首



送春詞

煎茶

初夏雜詠

海鄉雜詠

買松魚

所見

太田道灌

夏夜宿某氏別墅

湖亭夏日

涼夜

早秋雜詠

贈某

謝人贈長良川香魚

桂花雜詠

江上聞瑟 課題

湖上即目

秋日遣興

題畫

海晏寺觀楓

梨栗

秋日山村二首

山中秋夜

殘菊 課題

新寒

口占

冬晴

冬日牡丹

寒夜二首

戲詠

歲晚偶書

雪霽

梅莊疎雪歇。待月向更闌。翠羽一聲警。與人分此寒。

湖亭早春

煙景何時適。延矚凭欄且盡杯中醪。東風料峭。疊漪瀾。柳色未如湖色綠。

梅花雜詠

和靖仙蹤已委塵。湖梅消息耐傷神。暮天  
鶴唳空呼月。難認當年罨畫春。

紅梅二首

素梅標格只尋常。故學嬌嬈興迥長。邀月  
不須逢綺袂。臨風儘愛見紅妝。

幸然先占好韶華。縱借胭脂亦耐誇。得意  
詩人存鑒識。未會錯認做桃花。

小園

維白維紅應分開。小園春色亦佳哉。買山  
他日成吾願。匝地遍栽桃與梅。

春日雜詠二首

花紅仍柳綠。妝點太平春。結伴離城去。誰  
非行樂人。  
雨歇芳原上。嬉遨自此佳。佳人來鬪草。不  
厭賭金釵。

春宵二首

如此春宵真耐憐。更闌尚倚畫欄前。溶溶  
灑灑梨花月。特地撩人不許眠。  
月出春宵煙霧開。不妨降砌且徘徊。栖禽  
驚夢蹴花起。香雪霏霏黏袂來。

蝴蝶

淡泊妖嬈兩耐誇。未知韶景孰尤嘉。緣何  
能學分身術。半占桃花半李花。

掃晴娘

踏青明日接歡長。只恐無情風雨妨。解事  
女兒真慧性。暮檐早挂掃晴娘。

醉臥

西人昨酌山花開。一杯一杯復一杯。醉臥  
今朝猶未起。畸翁早已抱琴來。



春郊

十里春郊好。拖杖淨區俗。境皆堪賞。杏花  
村店酒帘暈。修竹禪栖茶鼓響。

農家雜詠

探春公子跨華駟。出郭看花去復留。野老  
輟鋤嗟嘆久。厭他蹈藉害青麩。

遊東台二首

處處旗亭酒可醺。春遊不厭抵斜曛。東台  
一路花爭迓。出彩雲來入彩雲。  
碧殿朱廊跡不存。劫餘容易變乾坤。能呈  
舊觀唯櫻筍。凝雪蒸霞萬朶繁。

感舊

江南三月畫中天。舊事難忘夢尚牽。昨夜  
分明落花路。好風景處。過龜年。

拾貝

隔海遙岑罩暖嵐。年光已屆古重三。也宜  
烏鹵春潮退。兒女齊携拾貝籃。

雨中上巳

不向江邊泛羽觴。佳辰對雨意殊長。松煤  
磨出桃花露。臨得蘭亭字自香。

春晚

紅殘白謝事。忽忙三月將歸夢。一場寂寞  
園亭人不到。兩絲風片送昏黃。

春晚出郭

意行出郭路三义。何處題詩仍乞茶。風景  
無多亦堪賞。殘花晚照橐駝家。

春晚閨情

倦繡幽窓獨罷針。春殘奈此暗愁侵。履綦  
不接門庭寂。花落寸餘紅雪深。

又

風風雨雨落花時。絕代鍾情屬阿誰。深感  
韓郎獨留詠。哀傷長比葬西施。

看花偶拈二首

日日看花儘自由。勿言歡賞老來休。花飛  
片片黏紗帽。未必無情避白頭。

諸事無如看花樂。此身只與花相托。所期  
老健更逢春。百歲尋花閱開落。

送春詞

滿江刺香漂平綠。無復麗景入延曠。隄上  
萬櫻齊飄零。鶯蝶迷離失栖宿。花開花謝  
真須臾。韶光難在節序促。月若有意應同  
愁。豈能補歡明媿燭。繁華轉瞬歸寂寥。兩  
夜怕聞杜鵑哭。誰把幽思托歌絃。江樓時  
遞送春曲。

煎茶

林亭四面新綠加。自喜清晝靜無譁。挹泉  
敲火意况適。閒課好試盧同茶。松風吹入  
竹罏裏。只覺眈眈繞座起。乳花雪花浮輕  
甌。香漲細霧飛不已。數啜全使煩襟開。居  
然置身集靈臺。卻憫當日消渴客。難求金  
莖露一杯。

初夏雜詠

竹祖牆南畔。籜兒牆北邊。不願莓苔損。地  
中行暗鞭。

海鄉雜詠

總將生計托魚蝦。一路平沙漁子家。翠葉  
紅莖無賴者。防風處處儘抽花。

買松魚

四月松魚早薦鮮。傾囊珍味互爭先。須知  
習俗今猶昔。作達嫌持一宿錢。

所見

薰風四月雨乾初。新綠挾街清有餘。恰好  
山王祭期近。兒童舁出小神輿。



太田道灌

江戸城成功績殊。此公畫策見規模。果哉  
身後裨昭代。能壯宸居敍首都。

夏夜宿某氏別墅

砌際何花幽馥傳。微風暗度自堪憐。我開  
窓戶臥支枕。搖曳紗幮濛似煙。

湖亭夏日

菡萏花開簾上鉤。湖亭消夏畫清幽。水禽  
猶似嫌炎熱。去浴波心不肯休。

涼夜

自覺炎塵入夜收。追涼也好步街頭。人家  
檐際紗燈挂。早繪碧花紅穗秋。

早秋雜詠

秋涼頓自兩餘生。山屐經過何限情。欲借  
西風蘓病骨。且來巖畔聽松聲。

贈某

迢迢煙水碧。鱸秋學釣欣。君占上游適意。  
真成比張翰。謝官不肯羨封侯。

謝人贈長良川香魚賦此清見于

辭

香鱗潑刺產何處。長良之峽名久著。居民  
結屋概傍流。漁業作活無他慮。不垂綸仍  
不沈罾。驅使烏鬼誇異能。宜矣捕獲算多  
數。一一皆以尤品稱。故人遙贈意真厚。嘉  
貺百里自岐阜。都門客寓氣色生。闔家分  
喜及廚婦。鹽炙醬羹陳珍羞。貪饒動箸難  
暫休。銀鯽鱠美誰敢擇。頽鯉鮓佳吾寧求。  
只餘醇酒催快酌。與此下物如有托。爽秋  
七月虐暑微。帶醉發興儘談讕。須臾曲肱  
耽酣眠。夢中訪奇非偶然。篝火映水涼夜  
好。三十六灣明波連。

桂花雜詠

天香飄風夜如水。清秋憑檻月明裏。意况  
恍然謝塵區。廣寒之府此處是。僊梯休謂  
登躡難。結伴有女皆乘鸞。便好高會觀秘  
舞。大桂樹下更未闌。

雙庚銅庚漢書紀庚庚庚庚庚  
語青養庚秦庚

江上聞瑟 課題

江閣誰鼓瑟。秋宵月方明。初聽流水激。再  
聽淒颯驚。吾心自含愴。遙憶瀟湘靈。帝妃  
昔沈水。恨思今猶縈。度曲應吊古。定抱無  
限情。感之舉首望。月黑陰晴更。數峯青何  
處。但看長汀冥。戛絃已絕響。幻境奇景呈。  
波際曳裾帶。有物鳴佩瓊。

湖上即目

兩過荻蘆花未摧。平湖明淨晚晴開。翠禽  
也解添風趣。照影鏡中時去來。

秋日遣興

東依西托我何嗟。隨處優遊意自嘉。又是  
一年秋促興。借入籬落賞黃花。

題畫

秋山足佳趣。一徑夕曛中。歸樵負薪到。其  
上插丹楓。

海晏寺觀楓

海晏寺裡楓樹秋。真成錦繡包山丘。宜哉  
自古推勝境。騷客常試風雅遊。殊記文化  
文政際。荏土吟人競聯袂。集者時或超百  
名。藝林盛事絕其例。楚岸爛霞慙叨矜。吳  
江餘綺嬖輕稱。詩腸亦皆具錦繡。題詠吐  
氣輝彩騰。昭代崇學偏勵俗。翰墨馳譽良  
儔足。平昔徵逐極頻繁。觀楓嘉會却難續。  
勿言廢絕元偶然。坵壇遺憾無過焉。誰能  
幹旋補闕典。佳話直是天下傳。我來此日  
賞秋色。霜葉殷處獨登陟。依依景物如畫  
圖。前輩舊蹤費追憶。殘陽漸傾猶未回。石  
徑苔磴移步來。忽驚禪庭暝煙合。上方數

孔  
蒲  
牢  
催

穆如清風閣用箋



梨栗

但覓梨與栗。紙筆終叵期。淵明責通子。其  
意非難知。翻問親紙筆。果能成何奇。識字  
伴憂患。適博他人嗤。不如守愚鈍。抵老長  
自怡。小童我告汝。此事休漫疑。秋林菓實  
熟。上市時味宜。購之且分喜。太勝徒嗟咨。

秋日山村二首

托跡山村不自猜。佳懷殊覺此時開。菊黃  
楓赤秋添景。裝我荒籬敗屋來。  
山村作活不求他。隨分秋來樂意多。兒伴  
林猿能拾栗。婦追野雀自收禾。

山中秋夜

永夜與誰期。山中無限意。松子落空階。幽  
人猶未寐。

殘菊

課題

索居九秋老。沒徑多荒草。唯菊尚抽英。不  
同破籬倒。

新寒

新寒此宵緊。霜色一庭同。盆蘭置無地。移  
向小齋中。

口占

山茶紅綻早霜時。禽鳥喜晴相喚宜。髣髴  
崔徐名畫本。無端向我眼前披。

冬晴

門外遊人作隊過。牢晴連日此繁華。也宜  
天氣欺春暖。似有街頭賣杏花。

冬日牡丹

耐雪梅猶絨玉蘂。傲霜菊已損金葩。老天亦自嫌荒寂。急着人間富貴花。

寒夜二首

嚴寒難就睡。此夜過三更。飛霰時篩竹。隔窓珊有聲。

清興消寒夜。風鑪聊試茶。梅梢親掬雪。僦煮箇瓊葩。

戲詠

何以度寒宵。衰殘我偏老。絮被擁湯婆。唯言早眠好。

歲晚偶書

殘年人事陷重圍。依例城中閒客稀。贏得  
梅花喜幽獨。破顏一笑傍林扉。

